

8844-5.

Inches

1 2 3 4 5 6 7 8 9 10 11 12 13 14 15 16 17 18 19

Centimetres

KODAK COLOR CHART



永樂大典卷之八千八百四十四

二十九

遊

洪武正韻于求切。遨也。通作游。顧野王玉篇余周切。遨遊與游同。遊古文。

丁度集韻遊行也。或从子。作遨。从游。作遊。吳棫韻補叶音。延知切。放也。班

虎閑居賦。望常山之峩峩。登壯岳以高遊。嘉孝武之乾乾。親釋躬於伯姬。又叶音。羊諸切。黃庭經。五靈夜燭煥八區。子存內皇與我遊。身披鳳衣。御

虎符。郭守正紫雲韻。遨遊行也。如交游。從游。多用此游字。義與遊同。不可

兩押。如游泳。却不同。釋行均龍龕手鑑。遨二俗。迂古。遊通正。音由遊

放循歷也。韓道昭五音類聚。遨以周切。走也。與遊義同。俗用。遑遑過蓬。遑

遯遯。並同。楊桓六書統。喻母。躋放行也。从走。从孚。蕩子也。遨。隸。諱。并上。迂

隸。籀。適意遠行也。从走从去。从自。从追。省言遠游者。當早自追悔而還也。

籀省文。熊忠韻會舉要。羽次濁音。趙謙聲音文字通。遨从走。意舊誤以為

游字。古文今正。此字改用於遨遊之義尤切。又憂遊自如也。亦借猶。荀子

優猶知足。作游遊非。今書慢遊是好。合正。周禮八日游貢。俗字。韻會定正

字切。喻鳩。

篆

書

游

並六

書統

隸

遊

石經論語遊

石經公羊並洪

遊

帝堯

扶夏堪碑並

遊

漢隸字源

逕

並六書

真

遊

王羲之

遊

王獻之

遊

虞世南

遊

顏真卿

遊

柳公權

行書

遊

智羲之

遊

顏真卿

遊

草書

遊

顏真卿

懷素

遊

並張錦溪

遊

並鮮于樞

遊

趙子昂

赤水遊

莊子黃帝遊

於赤水之上

遊

蘭臺遊

藝文類聚

楚昭王欲之荆臺遊

臺之宮有風颯然而至

王披

襟當之曰快哉此風

司

寡人與庶人共者也

荆臺遊

馬子綦進諫曰荆臺之遊左洞庭

之波右彭蠡之水南望獵山下

雲夢遊

淮南子所謂樂者遊雲夢

臨方淮其樂使人遺老而忘死

雲夢遊

陟高丘耳聽九韶六莖口

味煎熬芬芳馳騁夷道釣射鶴鶴之謂樂乎

列女傳楚昭王燕遊蔡姬在

左越姬參乘王親乘駒馬以逐登附莊之臺

以望雲夢之圃乃顧謂二女

游

文選宋玉風賦楚襄王遊蘭

臺之宮有風颯然而至

王披襟當之曰快哉此風

司

日樂乎吾願與子生若此通鑑漢高帝六年楚王信初之國行縣邑陳兵出入人有告信反者帝問陳平平曰古者天子巡狩會諸侯陛下第出偽

遊雲夢會諸侯於陳信聞天子出游其執必郊迎謁而陛下因禽之此特一力士之事耳帝以為然乃會諸侯於陳信謁上上令武士縛信載後車

信曰果若人言狡兔死走狗烹高鳥盡良弓藏敵國破謀臣亡天下已定我固當烹上曰人告公反遂械繫信以歸

玄圃遊

穆天子傳

天子遂襲崑崙之丘遊軒轅之宮眺望鍾山之嶺玩帝者之寶

勒石王母之山紀述玄圃之上乃取其嘉木艷草奇鳥怪獸玉石珍瑰之器重膏銀燭之寶應天府志梁昭明太子愛文學士常與王筠劉孝綽陸倕到洽殷鉤等遊宴玄圃太子獨執筠袖撫孝綽肩曰所謂左挹浮丘袖右拍洪崖肩其見重如此太子性愛山水於玄圃穿築更立亭館與朝士名素者遊其中嘗泛舟後池番禺侯軌稱此中宜奏女樂太子不答詠左思招隱詩云何必緣與竹

山水有清音軌慙而止西河遊

劉向新序晉平公遊西河中流而歎曰嗟乎安得賢士與共此

海上游

劉向說苑齊景

樂牛山遊

韓詩外傳齊景公遊於牛山而歎曰美哉固乎鬱鬱蒼蒼

牛山遊

而歎曰嗟乎安得賢士與共此

公遊海上樂

龍門遊

南史 陸儻傳

梁天監初。儻為安成王主簿。與

者殷芸。到溉。劉苞。劉孺。劉顯。劉孝綽。及儻。而已。號曰。龍門之遊。雖貴公子孫。不得預也。

關中遊

王性之默記

嘗謂滕公曰。學者只守一鄉。則滯於一曲。則隘。客卑陋。必游四方。盡見人情物態。南北風俗。山川氣象。以廣其聞見。則為有益於學者矣。一日。嘗自吳興率門弟子數人。遊關中。至潼闕。路峻隘。捨車而步。既上至關門。與滕公諸人坐門塾。少憇。回顧。黃河抱潼闕。委蛇湧治。而太華中條環擁其前。一覽數萬里。形勢雄張。慨然謂曰。此可以言山川矣。學者其可不見之哉。

烏衣遊

南史 謝弘微傳

弘微繼叔父混。少所交納。

唯與族子靈運。瞻晦。以文義賞會。常共宴處。居在烏衣巷。故謂之烏衣之遊。混詩所言。昔為烏衣游。戚戚皆親姓者也。其外雖復高流時譽。莫敢造門。蕭介傳。介性高簡。少交游。唯與族兄琛。從兄暉。素及洽。從弟淑等。文酒賞會。時人以比謝氏烏衣之遊。

赤壁遊

宋蘇東坡

大全集赤壁賦。云七月既望。蘇子與客。汎舟遊于赤壁之下。又云。夢一道士。羽衣蹁躚。揖予而言曰。赤壁之遊樂乎。詳壁劉須溪集乳燕曲。王朋益

僉事。夜生文江之上。屢稱赤壁之遊樂。酒餘索賦。因取坐間語。參差述之。
赤壁之遊樂。但古今風清月白。更無波作。矯首中州。公何許。共我橫江孤鶴。把手笑。孫劉寂寞。頗有使君如今否。看青山似我多前却。幾見我伴清酌。江心舊。豈非城郭。撫千年桑田海水。神遊非昨。對影三人。成六客。皆坐間語。更倚歸舟夜泊。尚聽得江城愁角。渺渺美人兮南浦。耿余懷。感淚傷離索。天正北。繞飛鵠。

湧金遊

元王惲秋澗集

予回轡共山。有客過而問曰。湧金之遊樂乎。曰樂矣。不無詩乎。曰無有也。客曰。事樂會之於心。心樂寓之於口。且蘭亭之勝。至今尚為美談者。其以有託於斯文也。客退。於是乎書長短句以歌。時孟夏十四日也。曉雲拂山。山氣昏。坐來萬壑烘朝暾。丹崖翠壁盡莫出。但覺詩境供愁新。地靈祠古。秘幽恠。天授神柄。專其尊。年年簫鼓祠下路。東風十里楊花春。我未愛此山水窟。天氣着物清而溫。湧金亭上一磰磰。主人留髡醉金蹲。水邊滉瀁多麗人。往來但看珠翠裙。不知僊家足奇貨。明珠脫串。一一浮出摩尼真。波間可訖不可掇。雲錦翻動玻璃盆。書生潤身那羨此。席上正有吾家珍。舉盃酌水。但默禱。山靈垂意哀。王孫願分秀色貯詩腹。一洗萬斛胷中塵。仙官有請固不拒。山鬼竊笑君無因。不然結茅傍脩竹。雲烟占斷西湖。

曲。月明舒嘯碧山巔。
喚起公和跨黃鵠。

蓬萊遊

高似孫騷略植臺松桂杉篁之表。翠

其辭。綠連霧弓窮窕。翠生香弓輕浮。花得道弓無妍。鳥涉仙弓何愁。心太平弓太平。功如水弓先秋。喬松來弓樂去聲。余蓬萊樂弓堪游。

金霄遊

大洞經玉虛順玄歸天晨金霄遊

姑射之游

宋汪藻淳溪集答梁丹林啓仙風道

骨早參姑射之遊。聖諦真詮。盡發鍾山之秘。

錦里遊

萬花谷西蜀有尼造補鬢香油本州進之宮中謂之錦里遊乃幸蜀

之樊杜勝遊

悅生隨抄唐公卿近郭皆有園池以至樊杜數十

里間林泉占勝布滿川陸至今基址尚存省寺皆

有山池曲江各置一船舫以擬歲時遊觀。

紫府勝遊

獻壽文黃學士壽吳丞相壽鄉記山人之帳何如紫府之勝遊

壠上之書何如。金壇之秘錄。壽鄉之所有人世之所無也。

潘府英游

龍虎山志至大三年四月贈高士陳義高真人

誥曰。春坊德選藩府英游氣至剛而貌羣庸韻不屑而邁前古。

名園遊

事偶韻語晉王獻之字子敬經吳郡聞顧辟強有名

園先不相識乘平負與入辟強方集賓客獻之遊歷旁若無人辟強怒曰傲主人非禮也以貴驕士非道也令蒼頭驅出獻之傲然亦不屑意。

小山遊

南史張稷齊永明中為刺史略不視事多為小山遊

山澤遊

南史到溉傳梁天監初任昉出

守義興要溉治之郡為山澤之遊馬明叟實賓錄宋謝靈運與族弟惠連何長瑜荀雍羊璿之以文章賞會共為山澤游時人謂之四友周密澄懷錄許洵好遊山澤而體便陟涉以為非徒有勝情實有濟勝之具。

白鹿山遊

通鑑綱目晉安帝元興二年燕王熙

與其后苻氏遊白鹿山后苻謨幼女也是行也士卒為虎狼所害及凍死者五千餘人。

林澤遊

世說新語謝太傅稱脩齡

曰司州可與林澤遊

王胡之別傳曰胡之常遺世務以高尚為情與謝安相善也

山水遊

南史謝靈運傳靈運出為永嘉

太守郡有名山水靈運素所愛好出守不得志遂肆意遊遨徧歷諸縣動踰旬朔理人聽訟不復關懷所至輒為詩詠以致其意在郡一周稱疾去職。

竹林遊

續後漢書狂士傳阮咸字仲容父康武都太守咸性達不拘與叔籍為竹林之游晉史揮麈王戎每與阮籍為竹林

之游。戎嘗後至。籍曰。俗物已復來敗人意。戎笑曰。卿革意亦復易敗耳。三

字蒙求晉稽康所與交者。山濤阮籍向秀劉伶阮咸王戎為竹林之游。世

稱竹林田園遊。海錄碎事沈慶之既貴。給三望車。慶之謂人曰。我

七賢。

田園遊

每游履田園。有人時與馬成三。無人日與馬成二。

今乘此安之。遂固讓三望車。

出郊遊

世說新語王東亭作宣武主簿。嘗春月與石頭兄弟乘馬出郊。時彥同遊者連轡俱

進。

石頭相遺小字。中興書曰。遐字伯道溫長子也。仕至豫州刺史。唯東亭

一人常在前。輒數十步。諸人莫之解。石頭等既疲倦。俄而乘輿回。諸人皆

似從官。唯東亭奕奕

踏青遊

成都志風俗。舊以二月二日為踏青

在前。其悟捷如此。

踏青遊

成都志風俗。舊以二月二日為踏青節。都人士女絡繹遊賞。緹幕歌酒散

在四郊。歷政郡守。慮有姦暴之虞。乃分遣戍兵於岡阜坡塚之上。立馬張旗。卓望之。公曰。慮有他虞。不若聚之為樂。乃於是日自萬里橋以錦繡器皿。結綵舫十數隻。與郡僚屬官分乘之。妓樂數船。歌吹前導。命曰遊江。於是郡人士女。駢集於八九里間。縱觀如堵。抵寶暉寺橋。出釀于寺內。寺前舸一蠶市。縱民交易。嬉遊樂飲。復倍於往年。薄暮方回。公於馬上作歌。其略曰。我身豈比狂遊輩。蜀地重來治凋瘵。見人非理則傷嗟。見人歡樂生

慈愛竹馬遊

溫革瑣碎錄王元長曰。小兒五歲曰。鳩車之戲。七歲曰竹馬之遊。

八駿周遊

書林廣記。八駿周遊。周穆王少好神仙。常欲使車轍馬跡。徧於天下。以倣黃帝焉。乃乘八駿之馬。奔戎為右。造父為御。又觴西王母於瑤池之上。

九懷秦遊

高似孫繪略。九懷秦遊。母騎撫余車。安驅海難墳。魂銷龍翼軒。既東

旌翠昏芳。生埃蛟抗刃。芳波赤。曉霧光蓬萊。樂莫樂佳游。哀莫哀芳忘歸。簫鍾芳銕鼓。吳歌芳楚舞。魚飛芳鴈奔。君之樂芳侯侯。憇蹕芳崖峩。陳席芳楚楚。撰德芳蒼崖。秦夸聲芳豪韻。騎雜遜芳鑾玲瓏。窮禹迹芳窺踐宮。民如蟹芳誰能聽。海水作芳號魚龍。歡未殫芳樂未終。金母號芳漢

從赤松子遊

通鑑漢高祖五年。張良素多病。從上入閨。即道引不食穀。日家世相韓。韓滅。不愛千金之

資。為韓報讐。強秦天下振動。今以三寸舌為帝者師。封萬戶侯。此布衣之極。於良足矣。願弃人間事。欲從赤松子遊耳。臣光曰。人生之有死。譬猶夜旦之必然。固未嘗有超然而獨存者也。以子房之明辨達理。足以知神仙之為虛詭矣。然其欲從赤松子遊者。其智可知也。夫功名之際。人臣之所

難處。如高帝所稱者三傑而已。淮陰誅夷蕭何繫獄。非以履盛滿而不止耶。故子房託於神仙。遺弃人間。等功名於外物。置榮利而不顧。所謂明哲保身者乎。房有焉。宋楊誠齋集辭免除寶謨閣學士。不允詔綯衣之好。未嘗忘求舊之心。赤松之遊。自難回知足之志。因進爾職。庸昭至懷。

從吾兒遊

西漢書漢張良傳。高帝欲廢太子立趙王如意。呂后

顧上所不能致者四人。以上嫚侮士。故逃匿山中。義不為漢臣。然上高此四人。今令太子卑辭安車。固請宜來。來以為客。時從入朝。令上見之。亦一助也。云云。上破黥布歸。愈欲易太子。及宴置酒。太子侍。四人者從。皆八十餘。鬚眉皓白衣冠甚偉。上怪問。何為者。四人各言其姓名。上驚曰。吾求公避逃我。今公何自從吾兒游乎。煩公幸卒調護太子。四人為壽畢。趨出。上目送之。召戚夫人指曰。我欲易之。彼四人為之輔。羽翼已成。難動矣。戚夫人涕泣。上曰。為我楚舞。吾為若楚歌。歌曰。鴻鵠高飛。一舉千里。羽翼已就。橫絕四海。橫絕四海。又將柰何。雖有縉緝尚安所施。

干遊

史記漢朱雲折檻曰。臣得下從龍逢比干遊於地下足矣。

效潘岳遊

世說新語潘岳妙有姿容

從逢

好神情。少時挾彈出洛陽道。婦人遇者。莫不連手共繫之。左太冲。絕醜。亦復效岳遊遨。於是群姬齊共亂唾之。委頓而返。

給呂祿
史記漢鄼况給呂祿出游

遊

周勃乃入。據北軍誅諸呂。

張耳雅遊

西漢書陳餘傳。張耳雅遊多為人所稱。

古曰。雅故也。言其久故倦遊。交結英傑。是以多為人所稱譽也。

主父困遊

兩漢蒙求主父偃遊齊。諸子間諸儒

生相與排擣。不容於齊。家貧假貸無所得。北游燕趙中山。皆莫能厚客。甚困。以諸侯莫足游者。元光元年。迺入關見衛將軍。上書闕下。朝奏暮召。

貴游

周禮師氏掌國中失之事。以教國子弟。凡國之貴游子弟學焉。

薄者。未嘗升擢之。唐韋應物詩貴游行。漢帝外家子。恩澤少封侯。垂楊拂白馬。曉日上青樓。上有頽如玉。高情世無儔。一作非無儔。輕裾含碧烟。竊窕似雲浮。良時無還景。促節為我謳。忽聞艷陽曲。四坐亦已柔。賓友仰稱嘆。一生何所求。平明擊鍾食。入夜樂未休。風雨憊歲候。兵戈橫九州。焉知坐上客。草草心所憂。宋薛季宣浪語集貴游行。沙堤大蓋何穹窿。底人佩玉鞍。蒙狨僕。如熊虎。馬游龍。誰何出入咸陽宮。笑刀瓠體頽芙蓉。步

趣持重為雍容。諸侯爰統掌百工。調元為職裨九重。萬錢一食聲鼓鍾。猶言下筋終無從。異時糠噉腸不充。家徒壁立其室蓬。抄撮語麗文彫蟲。繪為綉句欺南宮。不分菽麥儔知儂。且無萬卷澆胃中。脂韋媿娶陳小忠。竭民膏髓自為功。搊觜觸事惟迎逢。肯思責難始為恭。君王謂賢拜三公。門如沸湯賄賂通。財侔縣官邑侯封。積金猶欲齊溝崇。家有錢爐非範銅。賣官鬻獄揚成風。後房的樂燕支紅。皆民女婦來無蹤。有憂失得常忡忡。殺賢賊能摧英雄。汲將同類塞要衝。害苗之心饒蝗螽。忽彎射羿逢蒙弓。怡然自得豁心胸。黯如抹漆何赤衷。向人自欺咤匪躬。高自標置人首聳。立言便擬稱儒宗。學禪逐俗坐談空。元非友朋相磨礱。世間將謂無軻雄。言出波流士興農。却矜巧宦官既穹。笑伊魯儒嗟道窮。那知達人節青松。眎而土苴及蛆蟲。古人雖異理道同。姦邪未必皆令終。君不見晉朝逆胡隳金墉。為奴為跡。豈惟懷愍巡北戎。唐姚合詩詠貴游。貴游多愛向深春。到處香凝數里塵。紅杏花開連錦障。綠楊陰合拂朱輪。鳳凰罇畔飛金盞。絲竹聲中醉玉人。日暮垂鞭共歸去。西園賓客附龍鱗。劉蕡詩貴游。繡衣公子宴池塘。淑景融融萬卉芳。珠翠照天春未老。管絃臨水月初長。風飄柳線金成穗。雨洗梨花玉有香。醉後不能離綺席。擬憑青帝繫斜陽。羅

隱詩貴游 館陶園外雨初晴。繡轂香車入鳳城。八尺家僮三尺簾。何知
高祖要蒼生。中興江湖集葉嗣宗貴游 五陵年少儘風流。十日安排一日遊。林下幽人差省事。筆床茶竈便登舟。江湖續集武朝宗貴遊 鈿車
轆轤輶芳塵。步棹香移一片春。花下玉盤行禁轡。御前宣勸到湖濱。
出遊 詩泉水篇。駕言出遊以寫我憂。唐韋元旦詩奉和聖製出苑遊

樹終南佳氣入樓臺。招賢已徙商山老。託乘還徵鄴下才。臣在東周獨昏
滯。欣逢睿藻日邊來。唐僧皎然泓秀詩出遊 少時不見山。便覺無奇趣。
狂發從亂歌。情來任閒步。此心誰共證。笑看風吹樹。蘇東坡大全集上已
日與二三子。攜酒出遊隨所見。輒作數句。明日集之為詩。故詞無倫次。伯
恭先生志林云。黃州定慧院東小山上。有海棠一株。時繁茂。每歲盛開時。
必為置酒已五醉其下矣。今年復與參寥及二三子訪焉。則園已易主。雖
市井人。然以余故。稍加培治。山上多老枳木。花白而圓。香色皆不凡。以余
故亦得不伐。既飲復憩於尚氏之第。尚所居竹林花木皆可喜。醉卧閣上。
稍醒。聞坐客崔成老。彈雷琴作悲風曉角。鏗鏘然。意謂非人間也。晚乃步
出城東。入何氏韓氏竹園。遂置酒竹陰下。興盡乃徑歸。元豐七年三月初

三日是也。薄雲霏霏不成雨。杖藜晚入千花塢。次公莊子原憲杖藜應門。

柯丘海棠吾有詩。子仁按黃州東坡圖云。柯山四望直南高丘也。故以名

柯丘。東西隅海棠一株甚茂。故云柯丘海棠也。獨笑深林誰敢侮。三杯卯

酒人徑醉。子仁退之詩。三杯取醉不復論。一生長恨春何許。一枕春睡日

停午。次公先生詩又云。三盃軟飽後。一枕黑甜餘。竹間老人不讀書。留我

閉門誰教汝。子仁晉王徽之傳。吳中士大夫家有竹。欲觀之。便出造竹下。

嘯咏良久。主人酒掃請坐。徽之不顧。將出。主人閉門。徽之費之。盡歡而去。

出簷叢枳十圍大。寫真素壁千蛟舞。子仁按東坡圖云。柯丘南尚氏家。有

叢枳甚大。公嘗自為圖之。故云寫真素壁千蛟舞者也。東坡作塘今幾尺。

子仁塘。在東坡雪堂下。先生詩文云。會堂作堂徑千步。攜酒一勞農工苦。

却尋流水出東門。壞垣古慙花無主。次公杜詩。桃花一簇開無主。卧開桃

李為誰妍。對立鶼鶩相媚嬈。次公鄭文實詩。日暖鳬鶩行。哺子深桃李。

卧開花。開樽藉草勸行路。不惜春衫汙泥土。褰裳共過春草亭。扣門却入

韓家園。子仁按東坡箇云。春草亭。韓家園。皆在東門外。轆轤繩斷井深碧。

師盧仝詩。三入寺。曠未來。轆轤無繩井百尺。渴心歸去生塵埃。鞚韁索掛

人何所。映簾空復小桃枝。乞漿不見膺門女。乞漿事見留別釋迦院牡丹。

亭。趙倅詩注。南上方臺臨斷岸。雪陣翻空迷仰俯。故人餽我玉葉羹。火冷
烟銷誰為煮。崎嶇東蘊下荒徑。子輩前削通傳云。里婦夜亡肉逐婦。里母
即來縕請火於止肉家。云。治狗爭肉死。遂還婦。姪妬隔花聞好語。次公李
賀詩。沙路歸來聞好語。更隨落景盡餘樽。却傍孤城得僧宇。主人勸我洗
足眠。次公先生詩又云。洗足關門聽雨眠。倒牀不復聞鍾鼓。次公杜詩。睡
美不聞鍾鼓傳。明朝門外泥一尺。始悟三更雨如許。平生所向無一遂。茲
遊何事天不沮。固知我友不終窮。宣第君子神所予。次公詩。豈第君子。神
所勞矣。又和陶潛遊斜川詩韻。正月五日與兒子過出遊作。謫居淡無
事。何異老且休。雖過清節年。未失斜川遊。春江綠未波。人卧船自流。我本
無所適。汎汎隨鳴鷗。中流遇洑洄。捨舟步層丘。有口可與飲。何必逢我儔。
子出遊。人生逾四十。朝日已過半。一違少壯樂。日迫老病苦。丹心變為
灰。白髮粲可數。惟當理鉏耰。教子蓺稷黍。誰令觸網羅。展轉在荆楚。平生
手足親。但作十日語。朝游隔提携。夜卧困烝煖。未歌唐詩。已治芻靈祖
士生際風雲。富貴若騎虎。柰何貧賤中。所欲空齟齧。洪忠宣公鄱陽集次三

月望日出遊。無馬假犢車。豈必朱丹轂。駕言暫出遊。寫憂慰窮獨尋芳。
不見花。宿莽埋槲櫟。區區十里間。良友始追逐。晤語得正人。頗欣富方穀。
書齋大蕭條。四面少林麓。欲作納涼亭。因茲求木屐。履橋雖云安。欹柱恐
顛覆。臨深念垂堂。徒行漫捫腹。道險能摧輪。畏聞聲轆轤。形骸久衰憊。搖
几屢顰蹙。五方民雜居。瀕澤非廣谷。雞犬或相聞。要知是荒服。跋涉頻問
津。引領主人屋。老稚俱迎門。擊鮮饋豚肉。日暮途阻脩。還輶不辭速。吻燥
藉醇醪。餉口資饘粥。登日覩新詩。珠璣圓且熟。可追寶劍篇。高誦素靈哭。
宋王十朋梅溪集上元山中百姓出遊作三章諭之
宋王十朋梅溪集上元山中百姓出遊作三章諭之鄰里相呼入郡城。
已歌楚舞沸歡聲。三宵遊罷同歸去。勉力耕桑事父兄。三日嬉游喜遇
晴。還家又見麥青青。但湏及早輸租稅。莫要勾呼到訟庭。好去畊耘龍
上田。但能勤苦有豐年。家家飽煖身康健。更向明年看月圓。陳后山詩和
黃生出遊三絕句。右坊左里遠相求。東度南登稱意遊。皆是日實錄。已
著蓮峯妨目極。不應疾雨使心休。目極用王粲賦意。諸郎聯璧萬人看。
新有詩聲伯仲間。作意登臨還得句。此生寧復要長閑。謝靈運有登臨海
嶠詩。孟郊詩。夜學晚未休。苦吟神鬼愁。如何不自閑。心與身為憊。
賸欲登臨強作歡。衣冠未動意先闌。從今泉石非吾事。只借君詩細細看。東坡

詩作提捍水非吾事。劉元城盡言藁。出游飢甚買寒具飲酒。戲嘲弟姪。數
子坐愁思出遊。麗日光風得情節。一百五日寒食近。二十七品鮓菜關盤。
空釜冷柰酒何。變劑連環當佳設。詰屈宛是腸九回。緝綬渾如衣百結。玉
笙繞指影參差。踈襦度風曉明滅。濁醪引滿亦何負。響齒膏唇咀冰雪。君
不見。龍丘行令譏點塗。又不見。韓侯出燕歌魚鱉。生緣自信可柰何。歸抱
柴關晝常閉。陸游渭南集正月五日出遊久作閑人不憒愁。新春天氣
更清柔。未為遼海千年別。且繼斜川五日遊。細柳拂頭穿野逕。落梅黏袖
上漁舟。此身定去神僊近。倚遍江南賣酒樓。出遊八月石帆秋。聊為
汗漫遊。本因尋友去。却為看山留。小草題僧壁。長吟上驛樓。月能從劇飲
君恩。出遊所至皆忻然相迎。口占示之。寓館兼山澤。行裝半雨晴。隨
君恩。出遊所至皆忻然相迎。口占示之。寓館兼山澤。行裝半雨晴。隨
宜分藥物。投老惜人情。邂逅成新識。殷勤講舊盟。農家尤可念。迎勞輶春
耕。出遊歸鞍上口占。渺渺煙波飛槳去。迢迢桑野策驢還。寄懷楚水
吳山外。得意唐詩晉帖間。每惜好春如我老。誰能長日伴人閑。世間自是

無兼得。勲業元非造物惺。又出遊。社近頻逢雨。春深却喜時。畬煙傍山起。神鼓隔林鳴。客駐觀農鑪。兒歸遺母羹。豐年多樂事。何以報時平。
綠樹魚鹽市。青蕪雉兔場。采桑村女集。入學幼童忙。戶賽祈蠶願。家歲問孝章。村坊多美酒。爛醉荅年光。采藥今朝偶出遊。溪邊小立喚漁舟。未須着句悲搖落。嫩日和風不似秋。朝行羈屨穿幽谷。暮返褰裳涉亂流。提起短筇成一笑。每煩上座為分憂。出越城遊。出郊聊曠目。小艇受樵風。烟柳淺深綠。水花顛倒紅。秋光無遠近。晚興信西東。欲訪幽人宿。高旛古木中。出遊至僧舍。及逆旅戲贈絕句二首。山僧邂逅即情親。野叟留連語更真。淡淡論文端有味。一彈指頃百年身。飯炊適熟如延客。犬喜來迎似到家。雨滴茅簷草煙濕。不妨笑語暫喧譁。出遊。舉世誰能伴我閑。出遊隨處一開顏。繫船杠臂將軍廟。秣蹇流觴內史山。小市況經搖落後。高城回望莽蒼間。歸來燈火湖塘晚。指點柴門未上關。來往人間不計年。一枝筇杖雪隨肩。掃除身外閑名利。師友書中古聖賢。支遁山前饒水石。葛洪井畔慘風烟。小癡大黠君無笑。買斷秋光不用錢。行路迢迢入谷斜。繫驢來憇野人家。山童負擔賣紅果。村女緣籬采碧花。篝火就炊朝覵飯。汲泉自煮午甌茶。閑遊本自無程數。邂逅何妨一笑譁。

莫笑衰殘百不能。一枝筇杖捷飛騰。山空野火焚秦篆。日澹烟蕪遍禹陵。小浦漲潮迎釣艇。踈鍾出谷送行僧。踟蹰不覺歸途晚。村落人家已上燈。
一樽隨處可開顏。此事深疑造物慳。地可登臨多恨遠。身常強健又須閑。山圍小市烟初斂。霜著橫林葉半殷。徒倚闌干君勿厭。日斜猶及櫂舟還。漁村酒市本無期。小蹇扁舟信所之。丹葉滿林霜落後。紫萍黏塊水枯時。山林閑寂歸雖早。齒髮衰殘病已遲。努力及時謀自適。錦囊多貯暮秋詩。山有藍輿步有舟。放翁身健得閑遊。半點點日將夕。蒲柳蕭蕭天正秋。細徑僧歸雲外寺。踈燈人語酒家樓。歸途更愛湖橋月。得倚欄干爲小留。霜氣蕭條木葉黃。佳時病起意差強。雲烟古寺聞僧梵。燈火長橋見戲場。一枕清風幽夢斷。數題旅飯野蔬香。道邊莫笑衰殘甚。獨往山林興未央。禹窪胥濤路中分。畫橈衝破一川雲。柯橋僧閣凌空起。海市漁歌帶月聞。蟹束寒蒲大盈尺。鱸穿細柳重兼斤。酒家報我新醅熟。且撥閑愁寄一欣。僧院軒窓酒市樓。過門自入不須留。恰來竹下尋棋局。又向沙邊上釣舟。詩放不能詣律呂。書狂猶足走蛟虬。秦碑禹窪風烟外。弔興亡萬古愁。九日陰霾一日晴。此行處處是丹青。斷雲零落江郊路。壽木輪囷古驛亭。餽婦微行望帆龍。漁歌相和起烟汀。拔山意氣今何在。

猶有遺祠可乞靈。

路過項羽廟

近過父老遠尋僧。病起經行力漸增。

織室蹋機鳴軋軋。稻陂踏水築登登。淺深村落時分徑。高下川原自作層。薄暮到家還熟睡。隔林鍾鼓報晨興。吳地清明未減寒。梨花初動杏花殘。

已開九帙吾何覲。時說金丹強自寬。東阡南陌適逢晴。小蹇輕裝短作程。白水滿陂秋馬躍。綠陰遠舍緯車鳴。過村小婦憑牆看。入手高人攬袂迎。剩倩東風吹柳絮。放翁詩到此時成。萬里崎嶇蜀道歸。荊州非復壯遊時。行吟自恠詩情減。坐睡人驚酒量衰。卷地風號雲夢澤。黏天草映伏波祠。一枝藤杖平生事。擊鼓開帆未恨遲。乍晴出遊八十山。翁病不支出門也。賦喜晴詩。小樓酒旆闌街處。深巷人家晒練時。本借微風欹帽影。却乘新煖弄鞭絲。歸來幸有流香在。剩伴兒童一笑嬉。流香。蓋賜酒名。晴和出遊湖山間。日出氣稍和。呼船渡烟津。微風西南來。水面生魚鱗。適此一日佳。聊娛百年身。捋鬚俯舡舷。一笑彼何人。閏餘春事蚕。已覺陽和新。梅花處處開。幽香襲衣中。久病喜我出。問信傾鄉隣。舟回不須速看涌白玉輪。雪後出遊戲作。小獻平岡雪陸離。幽人又賦探春詩。典琴沽酒元非俗。著屐觀碑又一奇。大度乾坤容落拓。多情風月笑衰遲。吾生

也似梅花淡。燕未歸來蝶不知。歲暮出遊殘曆消磨無半紙。一年光景又成非。瓦溝雪水滴欲盡。江路梅花開尚稀。竹院篝燈留度宿。旗亭誇酒勸無歸。此身自笑知何似。萬里遼天一鶴飛。病中思出遊。病境雖猶在。秋天已自清。閑思尋酒伴。嬾畏主詩盟。烟艇桐江去。藍輿刻縣行。會心隨處住。便足了餘生。**姚鏞行湘藁**出遊。春來日日風兼雨。今日晴明試杖藜。閉戶不知花信過。野桃開了到棠梨。**曾協雲莊集**有翼借前韻。招同社出遊。次韻。總道無晴却有晴。撩人幽事不勝清。擬同騷傑從長吉。不遣擣奴寬李衡。四山濃淡要題品。百卉後先宜接行。登覽不憂風雨迫。揮戈須駐日西傾。諸公出遊。有翼有詩。和者盈軸。次日飲正卿家。出以示余。走筆繼韻。可堪俗事苦相留。不許聯翩李郭舟。酒興定知鯨浪吸。詞源聊看峽江流。名如北斗誰能挹。價重連城未易酬。恰似西都數人物。校書中祕讓諸劉。**趙蕃淳熙藁**。初八日人事少。間命車出遊。因以尋詩。首訪滕王閣。紛然屠沽。思為之歟。已過東湖得孺子亭。亭閣幽邃。乃陳阜鄉復作者。一時詩板甚多。擇數知名句錄之。又東數步得孺子祠。有像設及曾公袞。書南豐所作祠堂記。及沈持重立歲月壁。崩糞積殊異敬事。迤邐避雨入總持寺。謁澹臺子羽墓。閣雷公祠墓。有大篆立於其前。祠有樂

章無盡所作。雨止絕南昌縣徑還艤舟之地。作五詩。細雨微風湖上亭。
柳深荷密競青青。生平漫與形神接。客裏孤游耳目醒。題詠紛紜幾詩板。
畫圖零落半幽屏。像祠只在荒墩外。小復輿籃更一經。務創西都弊。寧
知此一時。忠邪爭憤嫉。基業竟陵遲。豈曰忘五就。哀哉逢百罹。嚴陵亦同
趣。始盛及終衰。潛德固宜祀。高文寧可埋。淒涼危像設。漬蝕半莓苔。昧
爾前賢貴。空令見者哀。欲言寧我聽。小立謾徘徊。瀨湖有幽寺。避雨適
來過。吏役母庸遽。幽尋所得多。雷祠真詭特。古墓絕徵訛。鳥篆森奇畫。龜
趺載雅歌。南昌假傳欲上書。孺子乃復辭聘車。東都已顛不可救。莽篡
未露猶枝梧。福為市卒終潛吳。緝乃懸榻太守居。吁哉迹異心不殊。出處
語默如是夫。蘇洞冷然齋集出遊。芳草盈盈水漲波。淺蒿驚動碧琉璃。
心情自逐遊絲起。愛入春風夏禹祠。呂居仁詩出遊。日日春濃病不知。
偶遊僧寺送春歸。長年悵跡將軍馬。漸老空悲遊子衣。山路有泥知雨過。
村場無酒驗人稀。今秋定作江東計。趁得鱸魚八月肥。何澹小山雜著。兩
笠同舍出遊和吳監丞韻。我本糜鹿姿。牽來入京闕。舉動違真性。驅馳
了歲月。自慚西湖水。照見種種髮。乘興陪諸公。放舟烟浪窟。小雨裏風埃。
輕霧翳林樾。春深走李競。路滑車馬歇。已辨登山屐。不羨凌波轡。浴堤逐

樹陰。傍寺訪禪衲。杯行知己深。歡意殊未竭。日暮碧雲橫。兩山高突兀。趙
周臣潑水集上已遊西園分韻得蘭字。與楊禮部携同院諸公賦。相逢

草草即盃盤。誰識吾曹箇裏歡。燕蹴簷花墮茵席。魚搖波日動闌干。無窮
照影溪溪柳。不住吹香晚。晚蘭已屬清明連。上已更容飛蓋接鴛鷺。跨

鳳騎麟玉筍班。蹇驢不作杜陵酸。已煩璽紙書陳迹。更許仙舟泛碧瀾。酒
令致師嚴細柳。詩朋麈戰劇臯蘭。遨頭却返瀛洲去。夢覺揚州鶴背寬。元

藍靜之藍山集出遊。病中三月不出戶。暖日晴風始一遊。處處鳥鳴催

布谷。山山花發叫鈞輪。幽人几杖來相就。野老壺觴起更留。童僕不知觀
物意。歸途催報夕陽收。陸子方集三月旦日出遊。季春已一日。寒氣猶

襲人。齋中偷小暇。陌上追餘春。金華古精廬。幾刲化微塵。入門何所見。脩

竹出牆鄰。迤北過崇明殿閣何嶙峋。山房閉不啓。俗客來輒嗔。徐歸偃藤
床。息我定力。勻殘書了一卷。古意含酸辛。山茅聊止渴。起淪石泉新。送
李義夫出遊。與君心角志相期。歲晏行藏各有違。老樹晚花空自媚。秋
林病葉更先稀。時情淡薄元無味。世路艱危總機。門外北風吹石裂。旅
人瑣瑣欲安歸。梅花卸玉春寒淺。柳色描金雪意消。老子偶然詩興動
又挑行李過溪橋。三千丈髮從渠脫。九十日春湏我遊。出却草堂三五

里。囊中無得一錢留。少年有志東山卧。晚歲方圖北海遊。糊口飢寧甘半菽。挂胃氣尚食全牛。問唐元振今誰在。欲趙平原何處求。赤白洪崖兩相厄。不妨詩句各風流。國朝顧祿詩集上已日出遊。膏兩方霖霖溫風漸紛披欣欣木向榮。萬物被春私。聯翩華靡子。車馬競芳時。香塵逐繡陌。羅綺爭光輝。我服亦已成。童牛相追隨。浴沂有真樂。千載誰能知。

後主出遊

太平御覽

蜀志曰。譙周字尹南。後主

為太子。以周為家令。後主時頗出遊。觀增廣聲樂。周上流諫曰。昔王莽之敗。豪桀並起。跨州據郡。欲併神器。於是賢才智士。思望所歸。未必以其勢之廣狹。唯其德之薄厚也。明皇出遊

元揭曼碩集題明皇出遊圖應制。明皇八駿爭馳道。還是開元是天寶。長安花發萬年枝。不識韶華醉中老。金章閣下文書靜。冕旒端拱唐虞聖。此圖莫作等閑看。萬古君王作金鏡。虞集道園遺藁題周怡臨韓幹。明皇出遊圖。開元盛事何人畫。玉冠芙蓉御天馬。從官騎步各有持。移仗華清意閑暇。宮花如錦照青春。詔許傳看思古人。不知身在瀛州上。親奉圖書侍紫宸。又明皇出遊圖。輦輶風微曉霧開。華清宮裏看花來。五王走馬誰先醉。倒著宮袍去不回。國朝宋玄僖庸庵後藁題唐玄宗出遊圖。

人如天帝馬如龍。歡樂情深天寶中。內苑行看春草綠。不知宮闕起涼風。
元吳徵文言集題明皇出遊圖。潞州別駕來歸定禍亂。安社稷可謂文王曾孫矣。友愛兄弟如家人禮。朝罷每與諸王遊。此在開元勤政之初。若未甚害。然古昔萬乘之尊。蓋自省方觀民之外。不輕於出。故曰無非事者。而周公之書。亦以游為戒。何也。防其源也。上無典學之主。下無革心之臣。則視此為常事。而不知怪。嗚呼。豈待天寶之淫侈驕怠。而後可以正國哉。

五王出遊

元虞集道園學古錄唐五王出遊圖

華萼樓前御柳長。春風馳道暗塵香。龍姿鳳質多相似。黃髮為期

樂未央。

公子出遊

南遊寓興唐公子出遊圖。恰從馳道按鷹回

柳長。春風馳道暗塵香。龍姿鳳質多相似。黃髮為期

來。

洪崖出遊

元黃文獻公集題洪崖出遊圖。靈仙飛化事

漢書呂孫通為奉常。惠帝以朝長樂宮作復道。方築武庫南。通請問曰。陛下何自復道高

醉卧古藤根。

衣冠出遊

漢書呂孫通為奉常。惠帝以朝長樂宮作復道。方築武庫南。通請問曰。陛下何自復道高

帝寢衣冠月出遊。高廟子孫來何乘。高廟道上行。武帝憚急壞之。通曰。人主無過舉。今已作百姓知之矣。願陛下作原廟渭北。衣冠月出遊之。

蓋朝宗廟大孝之

三公出遊

晉史揮麈王戎為司徒雖位總鼎司本乃詔立原廟而委事僚寮間乘小馬從便門

而出游見者不知其三公也故吏多至大官道路相遇輒避之

雨出遊

唐書段文昌徙帥荆南遇旱禱解必雨或久雨遇出游必霽語曰旱不苦禱

棄家出遊

列仙傳趙縮手不知其名少

都及半途有方外之遇遂棄家出遊至宋紹興末

微服逸遊

年時父母與錢令買書於成

益百餘歲矣方歸行縮兩手於脣前以是知名也

常談脞錄唐牛奇章帥維揚杜牧在幕中夜多微服逸遊公聞之以街子

數革潛隨牧之以防不虞後牧之以拾遺召臨別公以縱逸為戒牧之始

猶諱之公命取一箋皆街子報帖云杜書記平善乃大感服

王孫遊

江淹賦芳草生兮萋萋王孫遊兮不歸謝朓宣城文

集王孫遊綠草蔓如絲雜樹紅英發無論君不歸君歸芳已歇宋曹勛

松隱集王孫遊紅芳開綺戶碧草襯斜陽樓上頻回首思君道路長夫

桃與芳草艷色明朝陽思君念華旦賤妾惜容光國朝僧宗泐全

以

室集王孫遊煙浪迷行舸風塵染佩琚今年春草綠猶在九華居

遨以遊

詩柏舟篇微我無酒以遨以遊

匪紹匪遊

詩大雅常武篇匪紹匪遊注遊遊也詳武

諫太后遊

通鑑綱目梁武帝天監十八年九月魏太后遊嵩高初魏胡太后數幸宗戚熟貴之家侍中崔光表諫曰

禮諸侯非問疾弔喪而入諸臣之家謂之君臣為譖不言王后夫人明無適臣家之義夫人父母在有歸寧沒則使卿寧漢上官皇后將廢昌邑霍光外祖也親為宰輔后猶御武帳以接群臣示男女之別也願陛下簡息遊幸則率土屬賴含生仰悅矣不聽至是遊嵩高數日而還通鑑集覽不言王后夫人禮所以不言及王后夫人者無此禮也父母在有歸寧沒則使卿寧詩泉水衛女思歸也嫁於諸侯父母終恩歸寧而不得注國君夫人父母在則歸寧沒則使大夫寧於兄弟

李嶠諫遊

唐書李嶠傳嶠神龍二年代韋安石為中書令乃上書曰元首

之尊居有重門擊柝之衛出有清警戒道之禁所以備非常息異望誠不可易舉動慢防閑也陛下厭崇邃輕尊嚴微服潛遊闕廬過市行路私議朝廷驚惧如禍產意外縱不自惜宗廟蒼生何

玄禮諫遊

資治通鑑唐玄宗天寶十二載上在華清宮欲夜出

遊龍武大將軍陳玄禮諫曰。宮外即曠野。安可不備。不虞。陛下必欲夜遊。請歸城闕。上為之引還。

劉蛻諫遊

資治通鑑

通鑑唐懿宗咸通四年。上遊宴無節。左拾遺劉蛻上疏曰。今西涼築城應接未決於與奪。南蠻侵軼。干戈悉在於道塗。旬月以來。不為無事。陛下不形憂閔。以示遠近。則何以責其死力。

望節娛遊。以待遠人。乂安未晚。

王起諫遊

新唐書王起傳

書郎補監田尉元和末累遷中書舍人。

處厚諫遊

穆宗長慶四年冬十月翰林學士韋處厚諫上宴遊曰。先帝以酒色致疾損壽。臣是時不死諫者。以陛下年已十五故也。今皇子纔一歲。臣安敢畏死而不諫乎。

上感其言。賜錦絲百匹。銀器四。公輔諫不當。神觀公輔諫不當。如平時事宴游也。

上箴諷遊

宋史陳公輔傳欽宗朝公輔擢為右司諫。時孟夏享景靈宮。遂幸陽德佑

好畋獵。白居易續。元魯山集白帝宸遊圖。游龍玉虞人箴以諷云。

白帝宸遊

新唐書李德裕以敬宗昏荒。上丹辰六歲。以諷偽游輕出也。又穆宗勒擁霓旌。宮女三千作隊行。帝子

不知何處去。天風吹雪上瑤京。羽駕真游。

宋王珪華陽集掩皇堂慰皇太后表

終承卜世之祥。衣錦畫遊。

北史封隆之傳。封子繪。勃海脩人也。北齊神武崩。文襄以子繪為勃海太守。執其手曰。誠

知未允。勲臣官望但湏鎮撫。具衣錦畫遊。古人所貴。宜善加經略。不勞習常太守向州參也。新唐書張士貴傳。士貴高祖時拜右光祿大夫。從征伐有功。賜爵新野縣公。又從平洛。授虢州刺史。帝曰。顧令卿衣錦畫遊耳。進封號國公。右屯衛大將軍。安陽集相州新修園池記。觀吾堂者。知太守仗旄節來。故鄉得古人衣錦畫遊之美。而不知吾竊志榮幸之過。朝夕自視思有以報君也。唐錢起詩送外甥范勉赴任常州長史。兼覲省云。還鄉即畫遊。

放螢夜遊

資治通鑑隋煬帝紀。帝於景華宮徵求

螢火。得數斛。夜出遊山放之。光遍巖谷。

開元

真集開元夜遊圖并序。唐景龍中。明皇自潞州別駕來朝。遂留京師。中夜發策。引萬騎以安宗杜。易如振臂。其英廟之姿。凜然可想。當是時如王毛

仲李宜德皆以騎奴執箇房從事一旦乘天威相附麗以起韋杜之間。獵師酒官封官賜第賞賚華渥後宮游燕未嘗不與然皆庸人崛起不得與佐命中興之士比寵榮極矣猶鞅鞅觖望其後多被誅或貶以死向使君臣無忘艱難以相戒勑則諸臣各保世寵而天寶之禍必不至魚爛如此古以燕安為酈毒豈虛也哉此本李公麟所摹乃歐陽氏舊物也。潞州別駕年十八彎弓射鹿無虛發真龍絕水魚鼈散參軍後騎鳬鷗沒咸原瑞氣映壺闌城南書生知阿瞞解鞍下馬日向夕炙醺行酒天為歡坐上何人識天意。攘帽破靴朝邑尉旌頭夜轉紫垣開太白光芒黃鉞利萬騎齊呼左右分將軍夜披玄武門麾兵三窟盡妖黨問寢五門朝至尊羽林蕭蕭參旗折太極瑤光淨烟雪。投身志在攀龍鱗唾手成功探虎穴麾下且侯李與王輕形玉帶持菔房晉文賞功從悉錄漢光道舊情無忘與燕宮中張秘戲復道晴樓過李騎連催羯鼓汝陽來一抹鯢絃薛王醉玉階淒淒微有霜天雞喚仗參差光宜春列炬散行馬長樂疎鍾嚴曉妝清絲急管歡未畢瑤池八馬西南出捫參歷井行道難失水回風永相失君不見當時韋杜間呼鷹走狗去不還坐間年少莫大語臨淄郡王天子父李彭日涉園集唐明皇夜游圖開元御極垂衣裳登三咸五陵義皇白環

重譯銀甕出卜夜遨遊離未央。香車鬪風春與號羅帕覆鞍真來黃赭袍錯落綴北斗步輦優游銜鏤觴寧王玉笛上霄漢御路花光爭月光汝陽羯鼓絹帽穩打徹參旌低建章太真嚮醉玉欹側力士傳呼聲渺茫翠釵掛冠紅粉粧金貂賞酒白面郎君臣玩狎樂莫比清禁喜聞宮漏長若今姚宋坐廟堂袖中諫疏神揚揚萬里橋邊行幸處後世龜鑑懷包桑徐師川詩明皇夜游圖呂子廣藏畫學博士李生所作歌吹開元曲鈔華天寶粧苑風翠袖冷宮露赭袍光閨闥連閻闔驛騎從驃驃千門還欲曉九陌乍聞香漫游集明皇夜遊圖日暮繼以燭天家惜寸陰不聞清蹕至俄見翠華臨要裏駄嬪御狻猊噴水沉胼胝乘四載同是帝王心

國朝高

李迪正鳴集明皇秉燭夜遊圖華萼樓頭月初墮紫衣催上宮門鎖大

家今夕燕西園高爇銀盤栢枝火海棠欲睡不得成紅粧照見殊分明滿庭紫燄作春霧不知有月空中行新譜霓裳試初按內使頻呼燒燭換知更宮女報銅籜歌舞休催夜方半共言醉飲終此宵明日且免群臣朝只憂風露漸欲冷妃子衣薄愁成嬌琵琶羯鼓相追續白日君心歡不足此時何暇化光明去照迷亡小家屋姑蘇臺上長夜歌江都宮裏飛螢多一般行樂未知極烽火忽至將如何可怜蜀道歸來客南內淒涼頭盡白孤

燈不照。返菟人梧。
桐夜雨。秋蕭索。

五宅夜遊

資治通鑑唐元宗天寶十載正月

從者爭西市門。楊氏奴揮鞭及公主衣。公主墜馬。駙馬程昌裔下扶之。亦被數鞭。公主泣訴於上。上為之杖殺楊氏奴。明日免昌裔官。不聽朝謁。

貴妃夜游

宋方秋崖集

貴妃夜游鳳鞞欲上玉花驄。恩在君王一笑中。三十六宮瑤草碧。不知多少恨春風。

號國夜遊

宋李端叔姑溪集

內侍劉有方畜名畫。乃內號國夫人夜遊圖。最為絕筆。東坡館北客都亭驛。有跋其後。

既作詩錄以相示。時欲和而偶未暇。今脫集得詩。遂次其韻。以申前志。
天街雨過花滿驥。萬人壁立驚游龍。飄飄衣袂欲仙去。寶鞭遙指蓬萊宮。
真人睡起春纏柳。誰奏琵琶最先手。合歡堂裏謝使人。暗香猶帶天階塵。
宛然相對若可語。筆墨頓失當時痕。開眼成今合眼古。四頭自有來時路。
長風破浪真快哉。快處須防倒騎虎。蘇東坡大全集號國夫人夜遊圖。
佳人自輕玉花驄。翩如驚鶩踏飛龍。金鞭爭道寶釵落。何人先入明光宮。
宮中羯鼓催花柳。玉奴絃索花奴手。坐中八姨真貴人。走馬來看不動塵。
明眸皓齒誰復見。只有丹青餘淚痕。人間俯仰成今古。吳公臺下雷塘路。

當時亦笑潘麗華。不知門外韓擒虎。元朝風雅姚公茂題號國夫人夜遊圖。宴安懷鳩毒蕩佚國將亡。緬思天寶載聲色迷君王朝政出多門。十分權綱。其誰堪炙手。秦號連諸楊。拔附勢莫比。所與保椒房。宮中陪宴樂。晝短疑夜長。重為長夜遊。細馬駄寶裝。胡不秉明燭。冥行撤禮防。一從此風熾。野鹿踰宮廄。五岳出洛派。四海同慘傷。維時所貴顯。赤族亦罹殃。馬嵬脂粉暗。岷山涕泗滂。明年雖幸還。大海翻田桑。山河增慘澹。日月銷精光。問民瘡痍中。哭廟煨燼傍。女寵禍何酷。百悔不一償。在莒豈足擬。于茲不可忘。劉將孫養吾集題張萱寫號國出遊圖。平明朝廷天澹掃眉溫。泉午浴侵暮歸。意行盡歡丞相府。天街蹋騎宵遊嬉。不知禁漏今幾許。憑醉晚粧鞭緩步。籠坊嫌殺憊煙香。九萬青天明月炬。羅巾三角低髻雲。嬌嬌嬌倦蒼廬英。堆鬟不省子弓燦。聯軒交映苔之榮。驚鴻飛鶯何曾畫。高足大鞍雄善跨。若教盡墜爛五花。肯但素姿從七馬。人生反復後昔今。馬嵬倉猝捉竹林。三郎忍淚玉環別。伏外那知號與秦。韓生把筆雙絲絹。追寫百年如目見。明眸皓齒已三生。烟埃彷彿春風面。南唐北汴印斑斑。江東遺墨再送官。垂芳遺臭等寂寞。總得千年百世看。

秉燭夜遊

唐李翰林集

春夜宴桃李園序云。夫天地者萬物之

逆旅。光陰者百代之過客。而浮生若夢。為歡幾何。古人秉燭夜遊良有以也。**歲時雜詠**沈佺期夜遊詩 今夕重門啓。遊春得夜芳。月華連晝色。燈影雜星光。南陌青山浦。東隣紅粉粧。管絃遙辯曲。羅綺暗聞香。人擁行歌路。車攢鬪舞場。經過猶未已。鍾鼓出長楊。王維同楊比部十五夜遊。有懷靜者雜言。承明少休沐。建禮省文書。夜漏行人息。歸鞍落日餘。豈知三五夕。萬戶千門闢。夜出曙飄歸。傾城滿南陌。陌頭馳騁盡繁華。王孫公子五侯家。由來月明如白日。芳蓮祭燈勝百花。總看侍中千餘騎。強識小隊七香車。重學寶馬共喧闐。箇裏多情俠少年。競向長楊柳市北。肯過精舍竹林前。獨有仙郎心寂寞。却將宴坐為行樂。儻覓忘懷共往來。幸霑同舍甘藜藿。**宋梅聖俞苑陵集**正月十五日夜出遊 不出祇愁感。出遊將自寬。貴賤依儔匹。心復如不歡。漸老情易厭。欲之意已闌。却還見兒女。不語鼻辛酸。去年與母去。學母施朱丹。今母歸下泉。垢面衣少完。念爾各尚幼。藏淚不忍看。推燈向壁卧。肺腑百憂攢。**蘇東坡大全集記**承天夜遊元豐六年十月十二日夜解衣欲睡。月色入戶。欣然起行。念無與樂者。遂至承天寺。尋張懷民。懷民亦未寢。相與步於中庭。庭下如積水空明。水上藻荇交橫。蓋竹柏影也。何夜無月。何處無竹柏。但少閒人。如吾兩人耳。黃

州團練副使蘇某書。張子野詩屬疾間知府龍圖與公闢大卿學士。八月十五游山泛湖夜歸。此會隔年應有期。湖光分入六瑤卮。誰知素魄當中夜。正是迷憲未寤時。天竺好風吹桂子。雲潢清露濕槎枝。人看使節忘看月。燈燭千門閉戶遲。**楊誠齋南海集**和石湖居士范至能與周子充夜遊石湖松江詩韻 石湖醉眼小太空。烏紗白紵雙鬢蓬。翰林來從昭回上。滿袖天香山水中。青山半邊日欲沒。珠宮湧出初圓月。兩仙一棹軟琉璃。碎撼廣寒桂花雪。中流浪作稟不回。兩手播灑千銀堆。不知浩浩洪流後。曾有茲遊奇特來。古人今人煙一抹。誰煎麟角續絃絕。一生句裏萬斛愁。只白秋來千丈髮。**乾坤清氣集**袁不約長安夜遊詩 凤城連夜九門通。帝女皇妃出漢宮。千乘寶車珠箔卷。萬條銀燭碧紗籠。歌聲緩過青樓月。香氣潛來紫陌風。長樂曉鍾歸騎後。遺簪落翠滿街中。**元黃叔美詩**自題黃山秉燭夜遊圖十絕句。赤日揮鞭汗雨流。北風破肉雪披裘。馬蹄夜半猶迎送。爭似黃山秉燭遊。商販求贏百倍收。吳檣蜀旆隘中流。風波盜賊驚人膽。爭似黃山秉燭遊。富饒薰天國可侔。董家金塢綠珠樓。秋風所過成衰草。爭似黃山秉燭遊。銅柱功成瘴霧愁。嚴冰墮指北封侯。河邊白骨閨中夢。爭似黃山秉燭遊。北里金多積未休。銀燈帶夢理

才籌。常憂碩鼠防胠篋。爭似黃山秉燭遊。金帶還思一品流官居更羨。
柏臺秋。駿駿日迫桑榆暝。爭似黃山秉燭遊。骨肉臨財構怨讐。豪爭忿
訟。幾時休。明朝相望化為土。爭似黃山秉燭遊。西老單居尚百憂。銖收
寸取為誰謀。尊中美酒不肯飲。爭似黃山秉燭遊。白面郎君不識愁。酒
酣夜夜宿秦樓。千金如水散歌舞。爭似黃山秉燭遊。學道談空物外流
驅馳聲利更多求。晨鍾喚起無清夢。爭似黃山秉燭遊。賀方回東山詞夜
游曲。鶴冲天。鑿鑿敲動花外沉殘漏。華月萬枝燈還清晝。廣陌衣香度飛
蓋影。相先後。箇處頻回首。錦坊西轉隱約武陵溪口。當時早恨歡難偶。
可堪流浪遠分携。久小晚蘭英在否。輕付與何人手。不似長亭柳。舞風眠
雨。伴我一春銷瘦。張炎叔夏詞聲聲慢。余與王碧山泛舟鑑曲。王龍隱吹
簫。余倚歌而和。天闊秋高。光景奇絕。與姜白石垂虹夜遊同一清致也。晴
光轉樹。曉氣分嵐。何人野渡橫舟。斷柳枯蟬涼意正滿西州。匆匆載花載
酒。便無情也。自風流芳晝短。柰不堪深夜秉燭來遊。誰識山中朝暮日。
向白雲一笑。今古無愁。散髮吟商。此興萬里悠悠。清狂未應似我。倚高寒
隔水呼鷗。須待月。許多清都付與秋。

衣錦夜遊

太平御覽後周書曰劉雄字猛雀高祖嘗從容謂雄曰古人云富貴

不歸故鄉。猶衣錦夜遊。今以卿為本州何如。雄稽首拜謝。於是
詔以雄為河州刺史。雄先已為本縣令。復有此授。鄉里榮之。

秉燭

川遊

唐語林李德裕自陵入朝。將大用。慮為人所先。且欲急行至平泉別墅。夕秉燭川遊。不暇久留也。

游楚

遨遊

續後漢書游楚傳。楚拜騎馬都尉。不好學。而性好遨遊音樂。乃畜歌者。琵琶箏簫。每行來。將以自隨。所在擣蒲。投壺。歡忻自娛。

老子遨遊

後漢書其門。諸曹時白外事。援輒曰。此丞掾之任。何足相煩。

頗哀老子。使得遨遊。若大姓侵小民。黠羌欲旅距。此乃太守事爾。傍縣有報仇者。吏民驚言。羌反奔入城郭。狄道長請閉門發兵。援時與賓客飲。大笑曰。燒虜何敢復犯我。曉狄道長歸守寺舍。良怖急者可牀下伏。後稍定。郡中伏之。

飽食遨遊

莊子雜篇列禦寇巧悅生隨抄咸

者勞。而智者憂。無能者無所求。飽食而遨遊。汎若不繫之舟。虛而遨遊者也。

飲宴狎遊

平中呂從簡

向傳正。俱以宰相子。飲宴狎遊於鄉巷間。呂比及政府之歸。則先期整衣以待事。向耽樂之從多。從呂相每誇於同列。以家無所憂。向相當歎息其

不逮。傳正謂從簡曰。我與爾酣酒嗜音。狎邪無少間。爾得稱述。我被訾辱。何也。則人之知予。亦不可不察也。

希從娛遊

兩漢蒙求明德馬皇后。身長七尺二寸。方口美髮能誦易。好讀春秋楚辭。尤善周官。董仲舒書常衣大練裙不加緣。帝嘗幸苑囿離宮。后輒以風邪露霧為戒。辭意欵備多見詳擇。帝幸灌龍中。並召諸才人。下邳王已下皆在側。請呼皇后。帝笑曰。是家志不好樂。雖來無歡。是以遊娛之事。希嘗從焉。

薛春遊

東齋記事宋仁皇初。薛簡肅公知開封府。上新即大位。章

人樂。隨其俗與之嬉遊。作何處春遊好。

軍行如春遊

宋史趙時賞傳

詩十首。自號薛春遊。欲換前所稱也。

西池春遊

類說侯誠叔久

時賞為文天祥參謀軍事。在軍中時見同列盛輜重。飾姬侍歎曰。軍行如春遊。其能濟乎。遣小青衣送詩曰。人間春色都三月。寓都下。嘗遊西池。有婦人其容甚冶。遣小青衣送詩曰。人間春色都三月。池上風光直萬金。幸有桃源歸去路。如何才子不相尋。他日又得詩曰。春光入水到底碧。野色隨人是處同。不必慙懃頻借問。妾家祇住杏園東。青衣引生至大第。杯盤交錯。燈火如晝。生歸數日。復至其處。都迷舊路。老叟

云。此有孤恠。多為人妻。生欲再見之。青衣復送詩曰。睽離今月音書斷。君問隣翁盡得因。沾灑暗思前古事。鄭生的是賦情人。乃復見姬俛首愧赧。生曰。大丈夫當眠烟卧月。占柳憐花。則無憂矣。相携卧居。粧囊極厚。生有曰。家南陽。乃往詣之。曰。為娶郝氏為婦。生以書謝。絕姪後十年。郝氏死。生亦失官。嘗出宋門。輕車駕花牛。揭簾呼生曰。子非某郎也。吾已委身從人矣。不敢多言。同車乃良人之族也。

勝賞三遊

容齋五筆白樂天為河南尹日。舒員遊香山寺。數日不歸。貽書樂天。大誇勝事。謝脢深歐陽公官洛陽。同遊嵩山寺。暮抵龍門香山寺。雪作。留守錢文僖公遣吏以厨傳歌妓至。曰。山行良勞。少留龍門賞雪。府事簡。無遽歸也。王定國訪東坡於彭城。一日棹小舟。與顧長道。攜賄英卿三子。游泗水下。百丈洪。吹笛飲酒乘月。而東坡時以事不得往。夜著羽衣。佇立黃樓上。相視而笑。定國既去。逾月復與參寥師泛舟洪下。追憶曩游。味此三遊之勝。今之燕賞者寧復有之。蓋亦值知己也。

世有三遊

海錄碎事荀說論曰。世有三遊。德之賊也。一遊俠。二遊說。三遊行。立氣勢作威福。結私交。以立強於世者。謂之遊俠。飾辯辭。設詐謀。馳逐於天下。以要時勢者。謂之遊說。色取行違。合時好。連黨類。立虛譽以為權

利者謂之遊行。

永樂大典卷之八千八百四十四

永樂大典卷之八千八百四十五

二十九

遊

鼓腹而游

羅泌路史。赫胥氏之治也。尊民而重事。方是之時。人居不知所為。行不知所之。鼓腹而遊。含哺而嬉。晝而動。夕而息。出三

奉母同遊

五代薛史。偽蜀王衍傳。蜀咸康元年秋九月。衍奉其母徐妃同遊於青城

山。駐于上清宮。時宮人皆衣道服。頂金蓮花冠。衣畫霞。

望之若神儂。及侍宴酒酣。皆免冠而退。則其鬚髮然。

士庶競遊。

宋歐陽公集風俗記。洛陽之俗。大抵好花。春時花開。士庶競為遊遨。

往往於古寺廢宅有池臺處。為市井。張幄布笙歌之聲。相聞。

歸

老釣游

宋王與釣藍樓藁。某水某丘歸老釣游。

鄉贊合游

管子山至數大夫不鄉贊合游。

者謂之無禮義。大夫幽其春秋。列民幽其門山之祠。

選勝追遊

舊唐書哀帝本紀。天祐二年三月庚午。敕朕以宰臣

學士文武百寮。常拘宮局。罕遂遊從。今膏澤不愆。豐年有望。當此韶景。宜示優恩。自今月十二日後。至十六日。各令取便。選勝。追遊。付所司。

琴鶴從遊

五代薛史

晉鄭雲叟傳。雲叟名遨。隱於少室山。後聞

唯有青衿二童。一琴一鶴。從其遊處。好摹塞之戲。遇同侶。則以畫繼夜。雖寒風大雪。臨簷對局。手足破裂。亦無倦焉。

遊猿鶴同遊

宋何澹小山雜著山中之樂詞

噫。山中之樂乎。與

與鹿豕

遊與木石居與鹿豕遊

與魚鳥游

梁書忠烈世子方云吾得與魚鳥同游。則去

人間如從漚鳥游

列子黃帝篇曰海上之人有好漚鳥者。每旦脫屣爾。

其父曰。吾聞漚鳥皆從汝游。汝取來吾玩之。明日之海上。漚鳥舞而不下也。故曰。至言去言。至為無為。齊智之所知。則淺矣。

注齊同也

從

白雲遊

宋書褚白王傳王僧達曰。

儻魚出遊

莊子莊子與惠子遊

濠梁之上。莊子曰。儻魚出遊從容。是魚樂也。惠子曰。子非魚。焉知魚之樂也。莊子曰。子非我。焉知吾不知魚之樂也。

鳳集麟遊

宋李流謙澹齋集會慶節賀表守位以仁。動天惟德。受堯天下而不泰。卜周曆數而過期。鳳集麟遊。百樂生於治國。龍飛虎變。萬物觀

乎聖乳狗不遠遊

荀子榮辱篇乳彘不觸虎。乳狗不遠遊。忘其親也。人也。憂忘其身。內忘其親。上忘

其君。則是人也。而

地有四遊

數類周禮注曰。南戴日下。萬五千

里。地與星辰四遊。升降於三萬里之中。靈曜文曰。四遊升降者。春分之時。地與星辰復本位。至夏至之日。地與星辰東南遊。萬五千里。下降亦然。至秋分還復正。至冬至之日。地與星辰西北遊。亦萬五千里。上升亦然。至春分還復正。孔穎達禮疏曰。四遊者。自立春。地後與星辰西遊。春分西遊之極。地雖西遊。升降正中。從此漸東。至春末復正。自立夏之後北遊。夏至北遊之極。地則升降極下。至季夏復正。自立秋之後東遊。秋分東遊之極。地則升降極上。冬季復正。此是地與星辰四遊之義也。朱子語類周禮注云。土圭一寸。折一千里。天地四遊。升降不過三

萬里。問何謂四遊。曰。謂地之四遊。升降不過三萬里。非謂天地中間。相去止三萬里也。春遊過東三萬里。夏遊過南三萬里。秋遊過西三萬里。冬遊過北三萬里。今曆家筭數如此。以土圭測之皆合。趙與時賓退錄古今論天體者。言人人殊。然天主乎動。地主乎靜。未有謂地動。惟考靈耀曰。地有四遊。冬至地上北。而西三萬里。夏至地下南。而東三萬里。春秋二分。宦其中矣。地恒動不止。譬如人在舟而坐。舟行而人不覺。其說獨異。

官遊 東漢書 相如會景帝不好辭賦。是時梁孝王來朝。從游說之士。齊人鄒陽。淮陰枚乘。吳嚴忌。夫子之徒。相如見而說之。因病免客游梁。得與諸侯游士居數歲。乃著子虛之賦。會梁孝王薨。相如歸而家貧。無以自業。素與臨邛令王吉相善。吉曰。長卿丈宦游不遂而困。宋張文潛宛立集宦遊詩。宦游吾漫爾。未慕致身早。秋來憶山居。遙夜夢顛倒。鳴虫待誰聽。落葉煩我掃。誰復省勞人。吾生常草草。

卧遊 繢世說宋宗少文好山水。愛遠游。西陟荊巫。南登衡岳。因結宇衡山。懷尚平之志。有疾還江陵。歎曰。老疾俱至。恐難徧覩名山。唯澄懷觀道。卧以遊之。凡所游履。皆圖之於室。謂之曰。撫琴動操。欲令衆山皆響。元韓明善五雲謾藁題臥遊圖。嵐光帶雨隔清流。如此江山屬卧遊。一笑非真亦非畫。立談騎

鶴上倦遊 錦綉萬花谷司馬相如傳。長卿故倦游文穎注曰。倦。疲也。揚州。言疲厭游學。博物多能也。宋王逢原廣陵集餘杭倦遊。醉倚秋風笑自攻。偶來還去竟何悰。已夫鳳鳥吾不至。行矣鯨鯢非所容。且把心胷同伏虎。誰知頭角是真龍。歸乎伊畝如難得。死爾西山尚有從。朱晦菴集倦遊。故人千里別。約我仍丹丘。云何一解散。書到令人愁。此山豈不幽。何必賦遠遊。時得伯恭書報罷天台之遊。楊冠卿詩倦遊。歸去陶彭澤。重來丁令威。逢場真戲劇。閱世識危機。蠻雨沾烏帽。京塵黯白衣。回頭今自笑。三十六年非。陳郁詩倦遊。水於東海皆臣妾。山到衡陽無弟兄。兩處經行都已遍。老夫誰更別關情。江湖續集高吉倦遊詩。參透諸方向上機。瘦藤靠壁倦遊時。充然有得機之外。口不能言心自知。錢塘韋驤集和春陰倦遊。鈴閣興何幽。公庭訟不留。未能清晝寢。偶作夾城遊。竹色仍烟翠。梅香趁水流。持杯聽暮角。一任起樓頭。毛方平耆定錄倦遊。結髮事俗走。險阻無不經。腰間萬里劒。夜氣摩斗星。朝越春玄圃。尚憲曠轂亭。年來涉大患。足繅羊腸繫。却思松竹底。白日幽扉扃。洗心一卷易。庭草從渠青。何為鍾鼎味。醉著不少醒。君看稻梁渚。鴻飛獨冥冥。元周密公弁陽蠟屐集勸遊。眼底茂林脩竹。夢中流水桃花。難莫難行。

路悲莫悲兮無家。淡薄功名難肋。間關世路羊腸。且携烏有是叟。同入無何有鄉。甫里田十萬步。成都桑八百株。從教卿用卿法。不妨吾愛吾。

盧周衡詩倦遊。萬事雙蓬鬢。江山賦倦遊。斷猿明月曙。疎雨碧梧秋。道

路中年感。琵琶後夜愁。客懷無處寫。離思滿滄洲。

藏脩息遊

禮學記大學之教也。時教必有正業。退息必有居學。

不能安禮。不興其藝。不能樂學。故君子之於學也。藏焉脩焉。息焉游焉。

聖人之遊

文子續義老子曰。聖人內脩道

德而不外飾。仁義知九竅四支之宜。而游乎精神之和。此聖人之遊也。又曰。聖人之遊也。即動乎至虛。游心乎太無。馳於方外。行於無門。聽於無聲。視於無形。不拘於世。不繫於俗。故聖人所以動天下者。真人不過。賢人所以矯世俗者。聖人不觀。夫人拘於世俗。必形繫而神泄。故不免於累。使我可拘係者。必其命有在乎外者矣。韓滉澗泉日記文子曰。神者。知之淵也。神清則智明。又曰。神清者。嗜欲不誤也。故心有所至。則神慨然在之。反之於虛。則消躁藏息矣。此聖人之遊也。

古人善遊

周密澄懷錄呂居仁云。廬阜只尺。讀書少休。必到山中所與游者誰

也。古人觀名山大川。以廣志思而成其德。方謂善游。太史公之文。百氏所宗。亦其所歷山川。有以增發之也。惜其所用。止在文字間。若使志於遠大者。雖近逐游夏可也。

天下遊

莊子雜篇則陽書。稍矩學於老聃。曰。請之天下。行宇內。觀風化。察物情也。

外遊

列子曰。外遊者。求遊。跡相姓。鉏名。懷道之士。老子之門人也。請由

與徵士戴顥。王弘之及王敬弘等。共為人外之遊。

物外遊

開元天寶遺事王休。高尚不仕。勢利常與名僧數人。或跨驢。或

騎牛。尋訪山水。自謂結物外之遊。江湖集通玄主席薛滄洲。厭人間世。為物外遊。輒成短章。紀平生相與之情耳。谷翁仙去始經年。道繼嵩峯第

一傳。交友久要存古誼。希夷曾悟極重玄。班催碧落朝元。

莊子處夢斷滄洲落照邊。回首紫雲關下路。瑞芝燁燁長林泉。

天遊

外物

篇。心有天遊。室無空虛。則婦姑勃谿。心無天遊。則六情相攘。天遊謂不繫心。雖不係而無空虛。以容其和。則反戾其體。若無天遊。則六情愈相攘奪。

美。武夷詩集陳觀賓天遊。山水參差六曲流。此中絕境適天遊。幾千萬類根塵淨。三十六峯雲氣浮。翠聳層霄巒壑勝。碧籠靜院竹松稠。瓊漿可

致胡麻熟。瓢笠何妨為永留。道士號宋衛宗。武秋聲集為雲侶天游賦。

汗漫可以期。列缺可以至。豈不高且遠。未足語超詣。至人悟重玄。妙境

此融會。無聲亦無臭。萬象於我備。不必入柱承。不必二極繫。增城九重居。儼若具乎內。於焉以泮涣。其樂浩無際。氣凝而神化。舉步六合外。乘輪闐風行。稅駕丹丘憩。逍遙乎周流。斯特跡之寄。混然吾太虛。遊是息於是。贈潘天游。乾以健而運。如轂不停息。周流徧六虛。升降靡差忒。故能權四序。而以轉萬物。茲其氣之遊。造化由是出。一元亘終古。塵劫浩難詰。人有貌以生。於中具太極。苟知去天行。折旋而闔闢。浮游潛深淵。外想不內入。亦鮮長不死。

汗漫遊

淮南子盧敖遊大海。至蒙谷之上。見一士

壽與之為一。謂王同游。王執化人之祛。騰而上者中天迺止。暨及化人之官。自以居數十年不思其國。復謁王同游。意迷精喪。請化人求還。既寤。所坐猶嚮者之處。侍御猶嚮者之人。視其前。則酒之未清。肴未脯。王問所從來。左右曰。王默存耳。穆王自失者三月。復問化人。化人曰。吾與王神遊也。形奚動哉。予然後知唐人所着南柯太守黃梁夢。櫻桃青衣之類。皆本乎此。

神合道遊

唐張說之集大尉裴公神道碑。如山

與王神

遊

容齋四筆列子載周穆王時。西極之國。有化人來。王敬之若神。化人

謂王同游。王執化人之祛。騰而上者中天迺止。暨及化人之官。自以居數十年不思其國。復謁王同游。意迷精喪。請化人求還。既寤。所坐猶嚮者之處。侍御猶嚮者之人。視其前。則酒之未清。肴未脯。王問所從來。左右曰。王默存耳。穆王自失者三月。復問化人。化人曰。吾與王神遊也。形奚動哉。予然後知唐人所着南柯太守黃梁夢。櫻桃青衣之類。皆本乎此。

定中神遊

容齋四筆張天覺在荆南與章子厚之子致平。帖云。老夫數數夢見先相公。語論如平生。豈其人在天

仙間。而老夫定中神遊或遇之乎。

飛空行遊

夷堅支云蕪湖項國華。生八九歲時。惡瘡生於臂。時醫療弗効。遇一

道人。闊口多齶。身長七尺。父訝其異。迎揖之道人。駐視曰。何不教服四服湯。前執兒手。噓呵按熨。父將邀入飲之酒。固辭。然而去。父用所戒。即治此藥服之。踰三年。瘡如初時。然藥不輟於口。方春日戶外楊柳成行。一鳥鳴其上。兒望欲取之。而高不可升。此念纔起。遽覺身輕乎羽。已在柳梢。自此益以趨捷。意之所如。無遠近立到。常騰超太空。其高無際。鸞鶴之飛。亦在其下。恐太高則入杳冥。將不能反。慮貽親憂。而父母未之知也。會上元

夕所親戲之曰。我聞汝能飛空行遊。今夜寧國府極好燈。何似去一看。兒
唉曰。此固不難。超然躡虛疾如鳥翼。三鼓後還家。備說所見。某事某技。它
日驗之而信。瘡亦愈。至十六歲娶妻。始不能飛。

采真之遊

莊子外篇天運古之至人假道於仁託宿於義以遊逍遙

之墟。食於苟簡之田。立於不貸之圃。逍遙無為也。苟簡易養也。不貸無出也。古者謂是采真之遊。宋華鎮雲溪居士集上發運蔣龍圖書古之人采其真以內游。藏其用以後物。

內遊

元郝經陵川集內遊

昔人謂漢太史遷之文

區區於文字之間而已也。遷生龍門。耕牧河山之陽。南浮江淮。上會稽。探禹穴。窺九嶷。浮于沅湘。北涉汶泗。講業齊魯之都。過梁楚。西使巴蜀。略邛筭。昆明。還于河洛。能盡天下之大觀。以助其氣。然後吐而為辭。筆而為書。故爾。欲學遷之文。先學其遊可也。余謂不然。果如是。則遷之為遷亦下矣。勤於足跡之餘。會於觀覽之末。激其志。而益其氣。僅發於文辭。而不能成事業。則其遊也外。而所得者小也。其遊也外。故其得也小。其得也小。故其失也大。是以史記一書。甚多疏略。或有抵牾。論大道。則先黃老。而後六經。序游俠。則退處士。而進姦雄。迷貨殖。則崇勢利。而羞賤貧。其於書法也。則

記繁而志寡。項籍一夫也。而述本紀與堯舜並。陳涉後徒也。作世家與孔子同。其失豈淺淺哉。故欲學遷之遊。而求助於外者。曷亦內遊乎。身不離於衽席之上。而遊於六合之外。生乎千古之下。而遊於千古之上。豈區區於足跡之餘。觀覽之末。所能也。持心御氣。明正精一。遊於內而不滯於內。應於外而不逐於外。常止而行。常動而靜。常誠而不妄。常和而不悖。如止水。衆止不能易。如明鏡。衆形不能逃。如平衡之權。輕重在我。無偏無倚。無汙無滯。無撓無蕩。每寓於物。而遊焉。遊於經也。則河圖洛書。割劃大古。制掌天地之幾。發天地之蘊。盡天地之變。見鬼神之跡。太極出形。面目於世。萬化萬象。張皇其中。而瀰茫洞豁。崎嶇充溢。因吾之心。見天地鬼神之心。因吾之遊。見天地鬼神之遊。周誥商盤。禹謨舜典。諱謐忠致。貫日月。開金石。都俞吁咷。竽灝灝。唐虞三代之治。悽然而見風雅變正。諷贊刺美。洋洋乎中聲。鼓動至化。元經筆削。躁邪植正。齊桓晉文。霸心方侈。而來之以道。正大之堂。入高明之域。堯舜禹湯文武周孔。拱密犧而坐。臯夔伊呂亞風。牧而侍。孟軻氏辨乎其間。而顏曾導焉。荀揚奉焉。熙熙乎育物之仁。翕翕乎制物之義。位尊卑。辨上下。治神人之禮。和而不流之樂。別嫌疑。明是非。

照耀昭晰之智。閑而存之之敬。實而守之之信。化而極之之聖。先生之說。神應之妙。大發其闇而詭言謬行。放闢斥除。聖路廓清。而天宇泰定。至矣哉。君君臣臣。父父子子。夫夫婦婦。兄兄弟弟。何盛爾也。而後易志熙精。而遊乎史。廢興之跡。邪正之由。大君大臣之所以盛。小忠小道之所以蔽。禮樂之所以興。政刑之所以紊。國勢之所以張。國本之所以強。姦佞驚孽之所以逞。禍亂崩析之所以致。紀綱之所以明。風俗之所以壞。教化之所以行。見其記註繁而正義鮮也。思得仲尼者而筆削之。見其典故廢而法制剥也。思得周公者而振起之。既遊矣。既得矣。而後洗心齋戒。退藏於密。視當其可者。時時而出之。可以動則動。可以止則止。可以久則久。可以速則速。蘊而為德行。行而為事業。固不以文辭而已也。如是則吾之卓爾之道。浩然之氣。嚴乎與天地一。固不待於山川之助也。彼墮山喬嶽。高則高矣。於吾道何有。長江大河。盛則盛矣。於吾氣何有。故曰欲遊乎外者必遊乎內。噫。以史遷之才。果未遊之於內邪。蓋亦稱之者過矣。又賦。惟茲方寸芳。廓然無際。含容大千。山河大地。用之以小。始有分齊。如以大海納於蹄涔。如以毒藥置於寶器。捨無價之寶珠。競錐刀之末利。弃瀛渤之全潮。謚浮漚之微体。蠻觸國於蝸角。時相與戰而流血千里。南柯

夢於蟻穴。黃梁未熟而榮華一世。彼區區之利害。亦與比而何異。惟返觀而照寂。廓靈府於無別。泯六鑿於天遊。其孰能以芥蒂。由發心以證道。可一超而已至。吾方從事於斯。等浮生於一戲。

遠遊

太平御覽風俗通曰。共工之子好遠遊。死為祖神。楚辭遠遊篇。

遠遊者。屈原之所作也。屈原既放。悲歎之餘。眇觀宇宙。陋世俗之卑狹。悼年壽之不長。於是作為此篇。思欲制鍊形魂。排空御氣。浮遊八極。後天而終。以盡反復無窮之世變。雖曰寓言。然其所設。王子之詞。苟能充之。實長生久視之要訣也。悲時俗之追阨。願輕舉而遠遊。質菲薄而無因。考焉託乘而上浮。既音凡。一作臨。因一作由。來時證反。遭沈濁而汚穢。獨鬱結其誰語。夜耿耿而不寐。薨營營而至曙。濁下而一作語。魚據反。亦耿耿之意也。惟天地之無窮。哀人生之長勤。往者余弗反。來者吾不聞。動渠云反。吾不一作余弗。此章四言。乃此篇所以作之本意也。夫神仙度世之說。無是理而不可期也。審矣。屈子於此。乃獨眷眷而不忘者。何哉。止以往者之不可及。來者之不得聞。而欲久生以俟之耳。然往者之不可及。則已未如之何矣。獨來者之不得聞。則夫世之患迫而未吉。從逆

神。仙度世之說。無是理而不可期也。審矣。屈子於此。乃獨眷眷而不忘者。不可及。則已未如之何矣。獨來者之不得聞。而欲久生以俟之耳。然往者之

而未凶者。吾皆不得以須其反復。熟爛而睹夫天定勝人之所極。是則安能使人不為沒世無涯之悲恨。此屈子所以願少須臾。無死而僥倖。萬一於神仙度世之不可期也。嗚呼遠矣。是豈易與俗人言哉。步徒倚而遙思兮。怊惝恍而永懷。意荒忽而流蕩兮。心愁悽而增悲。怊。音超。惝。昌兩反。恍叶往反。永。一作乘。非是。憭。叶胡戚反。荒。呼廣反。悽。一作淒。悽。痛也。神儻忽而不反兮。形枯槁而獨留。內惟省以端操兮。求正氣之所由。儻。一作儻。反。循省而求其本根也。漠虛靜以恬愉兮。澹無為而自得。聞赤松之清塵兮。願承風乎遺則。列仙傳。赤松子。神農時為雨師。服水玉教神農。能入火自燒。至崑山上。常止西王母石室。隨風雨上下。炎帝少女追之。亦得仙俱去。張良欲從赤松子遊。即此也。貴真人之休德兮。美往世之登仙。與化去而不見兮。名聲著而日延。真。一作至。德。一作聽。非是。美。一作羨。仙。一作儻。著。一作章。身隱而不可見。獨有名字可聞耳。竒傳說之託辰星兮。羨韓衆之得一。形穆穆以浸遠兮。離人羣而遁逸。羨。似面反。一作美。衆。一作終。傳說武丁之相。辰星。東方蒼龍之体。心尾箕之星。所謂大辰也。莊子曰。傳說得之以相武丁。奄有天下。采車維騎。箕尾。而比於列星。音義云。今尾

上有傳說星是也。羨念慕也。韓終亦見列仙傳。形寢遠。即上文與化去之意。因氣變而遂曾舉兮。忽神奔而鬼恠。時髣髴以遙見兮。精皎皎以往來。曾。音增。皎皎。一作皦皦。以。一作而。來。叶音賈。此亦上文化去形遠之意。髣髴。見不謾也。丹經所謂服食三載。輕舉遠遊。入火不焦。入水不濡。能存能亡。長樂無憂者。此也。超氛埃而淑郵兮。終不反其故都。免衆患而不懼兮。世莫知其所如。超。一作絕。郵。一作尤。其一作乎。都。一作鄉。非是。氛。昏濁之氣。淑。尤。言其淑善而絕尤也。此以上言所羨仙去之樂也。恐天時之代序兮。耀靈畢而西征。微霜降而下淪兮。悼芳草之先薙。聊彷佯而逍遙兮。永歷年而無成。誰可與玩斯遺芳兮。長卿風而舒情。高陽邈以遠兮。余將焉所程。畢。音鑄。薦。今作零。彷。音旁。佯。音羊。而一作以。與。一作以。非是。斯遺芳。一作此芳草。長。一作晨。鄉。一作向。以。一作已。焉。一作安。耀靈。日也。畢。閃光。見。言行之速也。渝。沈也。零。落也。此一節自歎其將老。而悲其學之不及也。重曰。春秋忽其不淹兮。奚久留此故居。軒轅不可攀援兮。吾將從王喬而娛戲。食六氣而飲沆瀣兮。漱正陽而含朝霞。保神明之清澄兮。精氣入而麤穢除。重。直用反。娛。一作遊。戲。音嬉。叶音虛。二字。一作戲娛。非是。食七安反。沈。胡朗反。灑。音械。霞。叶音胡。簷。七胡反。軒轅。黃帝名。王喬。周靈

王太子晉也。列仙傳曰。好吹笙。解鳳鳴。遇浮丘公接之仙去。六氣者。陵陽子明經。言春食朝霞。日始欲出。赤黃氣也。秋食淪陰。日沒以後。赤黃氣也。冬飲沆瀣。北方夜半氣也。夏食正陽。南方日中氣也。并天地玄黃之氣。是為六氣也。又曰。日入為飛泉。鑿物不精也。順凱風以從遊。至南巢而壹息。見王子而宿之。審壹氣之和德。南風曰。凱風南巢。曰。說以為南方鳳鳥之巢。非湯放桀之居巢也。宿與肅通。審究問也。曰。道可受乎。而不可傳。其小無內乎。其大無垠。毋滑而嵬乎。彼將自然。壹氣孔神乎。於中夜存。虛以待之乎。無為之先。庶類以成乎。此德之門。受一作愛。非是一無而守。垠叶魚堅反。毋滑。一作無渥。並音骨。一滑上別有渥字。有叶才緣反。門叶謨連反。曰者。王子之言也。受心受也。傳言傳也。小無內。大無垠。言無所不在也。滑亂也。而汝也。壹專也。孔甚也。此言道妙如此。人能無滑亂其嵬。則身心自然。而氣之甚神者。當中夜虛靜之時。自存於己。而不相離矣。如此。則於應世之務。皆虛以待之。於無為之先。而庶類自成。萬化自出。蓋廣成子之告黃帝。不過如此。實神仙之要訣也。聞至貴而遂徂乎。忽乎吾將行。仍羽人於丹丘乎。留不死之舊鄉。行叶戶郎反。至貴謂至妙之言。其貴無敵也。仍因就也。羽人飛仙也。丹丘晝夜常明之處也。不死之鄉。仙靈之叶魚堅反。毋滑。一作無渥。並音骨。一滑上別有渥字。有叶才緣反。門叶謨連反。曰者。王子之言也。受心受也。傳言傳也。小無內。大無垠。言無所不在也。滑亂也。而汝也。壹專也。孔甚也。此言道妙如此。人能無滑亂其嵬。則身心自然。而氣之甚神者。當中夜虛靜之時。自存於己。而不相離矣。如此。則於應世之務。皆虛以待之。於無為之先。而庶類自成。萬化自出。蓋廣成子之告黃帝。不過如此。實神仙之要訣也。聞至貴而遂徂乎。忽乎吾將行。仍因就也。羽人飛仙也。丹丘晝夜常明之處也。不死之鄉。仙靈之

所宅也。朝濯髮於湯谷乎。夕晞余目乎九陽。吸飛泉之微液乎。懷琬琰之華英。湯音陽。琬音完。琰音劍。英叶於姜反。湯谷見天問。九陽舊說謂湯谷上有扶木。九日居下枝。一日居上枝。亦寓言耳。飛泉已見上。琬琰玉名。玉色炳以脫顏乎。精醇粹而始壯。質銷鑠以汋約乎。神要眇以滌放。頽普若。普經二反。晚音晚。又音萬。一作艷。一作晏。壯叶音莊。汋音綽。眇與妙同。放叶音方。頽美兒。一日斂客兒。晚澤也。醇厚也。粹不雜也。質銷鑠所謂形解銷化也。汋約柔弱兒。莊子曰。藐姑射山有神人焉。汋約若處子。要眇深遠兒。淫縱也。嘉州之炎德乎。麗桂樹之冬榮。山蕭條而無獸乎。野家漠其無人。載營鬼而登霞乎。掩浮雲而上征。野一作壁。家與寂同。一作寂。漠一作冥。其一作呼。霞與遐同。古字借用。征一作升。上四句記時物也。下二句言以此時昇仙而去也。載猶加也。營猶熒熒也。鬼說見九歌矣。此言熒鬼者。陰靈之聚若有光景也。霞與遐通。謂遠也。蓋鬼不受鬼。鬼不載鬼。則鬼遊鬼降而人死矣。故脩竦之士必使鬼常附鬼。如日光之載月質。鬼常檢鬼。如月質之受日光。則神不馳。而鬼不死。遂能登仙遠去。而上征也。命天闕其閑闥乎。排闥闔而望予召豐隆使先導乎。問大微之所居。集重陽入帝宮乎。造旬始而觀清都。朝發軺於太儀乎。夕始臨乎於微間。其

一作而閼。閼一作閼。予一作余。大音泰。陽下一有以字。於於其反。一作微。母閼。排推也。皇子須我之來也。與騷經倚閼闕而望予者意不同矣。豐隆已見騷經。太微宮垣。十星在翼軫北。重陽者積陽為天。天有九重。故日重陽。旬始星名。清都列子以為帝之所居也。大儀天帝之庭也。於微閼周禮東北曰幽州。其山鎮曰醫無間。比余車之萬乘。紛溶與而並馳。駕八龍之婉婉。芳載雲旗之逶蛇。溶音容。婉婉一作婉。婉音宛。溶水底也。建雄虹之采旄。芳五色雜而炫耀。服偃蹇以低昂。驂連蟠以騎鷖。燐音縣。燐音曜。蟠巨員反。騎居召反。鷖五到反。服衡下夾轄兩馬也。驂衡外捲輶兩馬也。連蟠句蹄也。騎鷖馬行縱恣也。騎膠葛以雜亂。斑漫衍而方行。撰余轡而正策。吾將過乎句芒。騎奇寄反。膠葛一作轡。轡音同。以一作其。漫莫半反。一作曼衍。弋幾反。行叶戶郎反。自一作鈞。膠葛雜亂免一日。猶交加也。斑駿文也。漫衍無極免。句芒本神也。月令東方甲乙。其帝太皞。其神句芒。注云。此木帝之君。木官之佐。任自古以来。著德立功者也。歷太皓以右轉。前飛廉以啓路。陽杲杲其未光。凌天地以徑度。啓一作燭。其一作赤。徑一作徑。音義同。太皓即太皞也。始結因。曷以敗以漁。制立庖厨。天下號之為庖犧。氏飛廉已見騷經。徑直也。風伯為余先驅。芳。召玄武而奔屬。後文昌使掌行。選署衆神以並轂。曖音愛。健音建。一作曉。曉上烏感反。下於計反。一作黠黠。上音曉。下從感反。曖音儻。奔莫明反。屬音燭。曖昧暗也。曉日不明也。玄武北方七星。謂龜蛇也。位在北方。故曰玄身有鱗甲。故曰武。文昌在紫微宮。北斗魁前六星。如匡形。路曼曼其脩遠。徐弭節而高厲。左雨師使徑待。右雷公而為衛。曼莫干反。脩一作悠。徐一作颯。徑待見騷經。而一作以。厲惠陵之意。欲度世以忘歸。意恣睢以坦擣。內欣欣而自美。聊媯娛以淫樂。欲上一有遂字。欲下一有遠字。一有遂字。恣如字。又千答反。睢許鼻反。坦居桀反。擣音矯。一云上丘列反。下居廟反。而一作以。淫一作自。樂叶五教反。度世謂度越塵世而仙去也。恣睢放肆也。坦擣軒舉也。淫樂樂之深也。莊子曰。孰居無事。淫樂而勸是也。涉青雲以汎濫游。忽臨睨夫舊鄉。僕夫懷余心悲。

考。邊馬顧而不行。一無以字。一無遊字。行叶戶郎反。邊勞也。謂雨驂也。

思舊故以想像考。長太息而掩涕。汜容與而遐舉考。聊抑志而自弭。以一

作而像。一作象。汜與汎同。屈原謂脩身念道。得遇仙人。託與俱遊。周歷萬方。升天來雲。後使百神。而非所樂。猶思楚國。念故舊。欲竭忠信。以寧國家。精誠之至。德義之厚也。指炎帝而直馳兮。吾將往乎南疑。覽方外之荒

忽考。沛潤養而自浮。神一作帝。疑一作埃及。覽一作覺。潤。厚明反。養。以養反。一作周象。浮叶扶毗反。南方丙丁。其帝炎帝。其神祝融。南疑。九疑也。沛

流鬼。潤養水盛鬼。祝融戒而蹕御考。騰告鸞鳥迎處妃。張咸池奏承雲考。一作周象。浮叶扶毗反。南方丙丁。其帝炎帝。其神祝融。南疑。九疑也。沛

二女御九韶。歌使湘靈鼓瑟考。令海若舞馮夷。玄螭蟲象並出進考。形蟠虬而逶蛇。雌蜺便娟以增撓考。鸞鳥軒翥而翔飛。音樂博衍無終極考。焉乃逝以徘徊。而蹕御。一作其還衡。歌叶居文切。令一作命。馮一作憑。螭五知反。象一作蠻。似兩反。玄螭蟲象並出進。一作列螭象而並進。蠻於九反。虬巨九反。蛇一作迤。蛇五歷五結二反。說見騷經。便昆連反。娟於緣反。爾雅疏引作娵。娵音同。撓而照反。軒一作騫。音同。其字从鳥。翥章庶反。馮尤度反。逝一作遊。非是。以一作而。蹕正行人也。御禦也。咸池堯樂。承雲黃帝樂也。又曰。有虞氏之樂。無所稽考。未詳孰是。二女娥皇女

英也。御侍也。九韶。已見騷經。湘靈。湘水之神也。海若。海神號。莊子有北海若。馮夷。水仙。莊子亦云馮夷得之。以游大川。又曰。河伯也。象。國語所謂水之怪。龍。罔象也。蟠虬。盤曲鬼。便娟。輕麗鬼。撓。纏也。翥。舉也。博衍。寬平之意。馬語辭也。舒并節以馳騖考。連絕垠乎寒門。軼迅風於清源考。從嶺頸乎增冰。連敕角反。一作蹕。敕孝反。門叶彌申反。軼音逸。源一作涼。連遠也。絕垠。天之邊際也。寒門。北極之門也。軼。從後出前也。迅疾也。北方壬癸。其帝顓頊。其神玄冥。北方地寒。故有增積之冰。歷玄冥以邪徑考。乘間雖以反顧。召黔羸而見之考。為余先乎平路。黔其炎反。羸从羊。倫為反。一从女餘輕反。未知孰是。然二字。史記作含露。漢書作黔羸。則當為从羊之羸矣。先下一有道字。間維。補引孝經緯曰。天有六閭。黔羸。舊說天上造化神名。或曰。水神皆怪妄之說。不可考矣。經營四方考。周流六漠。上至列缺考。降望大壑。漢漢樂歌作幕。缺一作闕。六漠。謂六合也。列缺。天際電照也。大壑在渤海東。實堆無底之谷。名曰歸墟。下崢嶧而無地方。上寥廓而無天。視儻忽而無見考。聽惝恍而無聞。超無為以至清考。與泰初而為隣。崢

翻耕反。嵘音宏。一作嶒。寥一作寥。寥廓廣遠也。惝恍耳不諦也。列子曰。泰初者。氣之始也。莊子曰。泰初。有無無有無名。

屈子本以來者不聞為憂。而願為方仙之道。至此則真可以後天不老。而
凋三光矣。下視人世。甕盎之間。百千蚊蚋。須臾之頃。萬起萬滅。何足道哉。

萬一也。元王景初蘭軒集擬遠遊賦并序。昔予南遊。遇劉陵川於毫社之

泮宮。因誦舊著詩文數篇。以求指教。劉喜謂座客曰。是子頗有氣象。將來
可望。惜吾之老而力弱。不能振也。命酒因語及楚詞篇目。且歎屈原之文
詞而哀其忠。因謂僕曰。子為我擬賦遠遊一篇來。僕辭不敢。劉曰。吾姑試
子宜無辭。遂明日呈。此蓋以述原之情。有志而不遂。亦九辨代原之意。而
亦以自寄云。時至元三年冬十一月也。先生諱方。字元卿。時年七十矣。邈
鴻荒忽已遠。望前脩而莫及。仰六聖之玄風。懷三皇之淳德。役精蒐
於千載。日予希其彷彿。忽翩然而下墜。心滔滔而何極。悲斯世之沈
濁。背馳余而莫偶。既醉酒以昏酣。又中風以狂走。亮紛華不可長。兮。
獨冲澹以自守。惟天地之漫漫。浩變化之無窮。哀吾生之促迫。寄瞬
息乎其中。思遠遊以舒憤。超逍遙以長終。夜營營而無寐。晝欝欝其
不樂。仰浮雲之縹渺。願輕舉而無託。精神忽其流蕩。離人羣而高逸。
雲為車而風為馬。召飛廉以執轡。八龍婉婉以前導。云濟予乎西北。

過玄武而至太微。問瓊宮之所在。排闥闔以徑度。慶天皇之佳會。叩
玉階以對揚。陳下土之迫隘。激微忠而抗音。願乾坤之交泰。令雲雨
以飛揚。降膏澤之滂沛。飽四海以元精。飲羣生以沆瀣。吐微誠之未
終。驚羣公之譎恠。令豐隆之奏技。振天鼓之砰磕。中鬱陶而莫遂。兮。
還余車而言邁。視人寰不足留。余將觀乎方之外。乘青陽以東遊。過
廣成於崆峒。問道德之微言。願開予之所蒙。曰道不難授。兮。將其人之
難得。粗者不可傳。尚安語其所極。其大無方。其小無內。無涵其志。兮。
無亂其氣。順開闔於陰陽。法化育於天地。澹逍遙以無為。使精神之得
一。可長生而超化。斯道真之所貴。受微言而拜謝。兮。聞神丘而遂阻。涉清
海之漫漫。兮。訪潛龍之幽居。入珠宮與貝闕。世莫知予之所為。召海若
兮。邀處妃。歌天吳。兮。舞馮夷。吸翠霞之天矯。服明月之流離。雖極樂而非
余志。兮。告潛龍以俱行。志參差以叛渙。兮。張遐舉而獨征。過弱水而超扶
桑。兮。至神丘而一息。從王喬與琴高。兮。娛青春以游戲。榮華之不足恃。兮。
恐六龍之嗟跎。留余車於岷山。兮。飲余馬於雲河。登閬風以回顧。兮。哀神
州而曠蕩。下茫茫而不見人。兮。蔽林巒之蒼莽。悵故鄉之若斯。兮。吾歸
來而何望。情依依以遲遲。兮。心悠悠以漾漾。思重華而南征。兮。正予冠而

翔翔驛紫臺之青鸞兮。馭丹穴之鳳凰。清風過洞庭兮。倒影凌瀟湘。夕沐浴於湯谷兮。振蘭衣與葛裳。晨謁帝於蒼梧兮。問理國之大方。曰禮樂以爲資兮。道德以為章。舉賢而授能兮。安天下於巖廊。夫惟聖哲以長茂兮。何後王之多僻。違先民之度程兮。張冥行而自遂。拔蘭荃而不樹兮。畎畝紛其荒穢。欲永訣而不忍兮。聊逍遙以遊世。訪神人於姑射兮。探禹穴於會稽。從四子於汾陽兮。觀大道之所歸。徑流沙而西渡兮。夕予宿乎三危。履大禹之所經兮。窺神功之偉奇。涉虞淵而越赤水兮。路不周以左轉。召蓐收使前驅兮。承西皇之寵餞。謁額頃於玄都兮。心娛樂而忘返。悲虹蜺之擁隔兮。悵靈光之浸遠。越崑崙而超玄圃兮。臨舊鄉而顧懷。御房精而衛太歲兮。載霓旌與雲旗。乘飛龍之縹渺兮。澹超然以無為。飽羣聖之道德兮。醉天地之華滋。精淳粹以曠茂兮。神淪幽而入微。侶太初而友混元兮。還及君之未哀。亂曰。翩冥冥兮愁相紆。覽青春兮不可娛。縱我步兮高馳驅。御列缺兮鞭雷車。西崑崙兮東海偶。入海簸弄明珠。歸人寰兮悲隘陋。餐六氣兮延我壽。周六漠兮超八荒。志不遂兮空翶翔。思攀瓊官謁六帝。遺巫咸兮歸下世。半塗陽兮正春秋。宣淳風兮被九州。澤漸四海兮淡悠悠。蕩我憤兮舒我憂。還精神兮從君遊。獲我所兮夫何求。宋李忠定

公集續遠遊賦。屈原作遠遊章句。文采瓌麗。於騷辭中最為有理致者。予方以金僊氏之書。洒濯其心。慨然思往見之。作續遠遊賦。以寓意焉。其辭曰。悲塵寰之喧卑兮。願遠遊以自適。恍形止而心馳兮。託夢魂而有得。漠虛靜以無為兮。絕氛埃而奔逸。登太山以小天下兮。望滄溟而笑河伯。走蒼梧於南荒兮。過崆峒於西極。忽神馬而尻輿兮。歷萬里而一息。曾不足以慊吾之志兮。將往遊於廣漠之國。會萬期於須臾兮。步八紜於咫尺。觀天地之所以浮沈兮。究日月之所以出入。爰整吾御兮。駕言西之。左王良而右伯樂兮。服山子而驛盜驪。陟閬苑於崑崙兮。見玉母於瑤池。聽白雲黃竹之謌兮。不勝其悲。廻車竭來兮。巡海之涯。聞海中之神山兮。有方丈與蓬萊。六鼈舉首以迭戴兮。仙聖飛騰而往來。泛陵波之巨航兮。操五種以自隨。風輒引舟而不可到兮。怊惝恍而傷懷。乘風御氣兮。造夫天闢。抵營室歷閣道兮。是為紫微之垣。執招搖步瑤光兮。瞻太一肅鈞陳乎帝傍。玉女投壺而笑兮。雷電若以騰奔。虎豹守闔而不可入兮。雖欲自達而亡因。悵吾將誰適從兮。其惟西方之聖人。嚴清淨之佛土兮。闢廣大之法門。目淨脩廣如青蓮兮。舌相廣長而無不聞。以一音而演說兮。普滋發於諸根寶樹森以行列兮。天華散而繽紛。菩薩聲聞環以圍繞兮。天龍八部

儼以威神。倏一念而往詣。稽首禮足而欽承。俾化人以導予。華藏於無垠。從一佛國至一佛國。若河沙與微塵。咸廣博而嚴淨。若羣難得而備云。廻視五濁。惡世之衆生。若一器之聚蚊。悅驚悟而永歎。何所夢之明明。覽六合而遊十方。曾弗離乎一身。崔宮教集太白遠遊。太白遠遊者。在敦禮所作也。太白在天寶間。當高力士楊國忠之徒用事。不能俛首以同俗。浮游四方。浪跡自肆。詠歌之際。類多託配僊人。與俱游戲。周歷天下。放意寥廓。無所不至。然太白豈無意於世者。憂患憤鬱。假以自適。其屈原遠遊之意歟。敦禮遊當塗。吊青山之墓。因集其言。藻枯為楚詞。明日太白遠遊云。人間不可以託。悲清秋。信長風而雲行。遊太山。浩漫其將何之。尋范居士。悵飄忽而徂征。淮陰書懷。天生材以有用。將進酒。思逢時而經綸。梁甫吟。苦恩踈而媒勞。答裴侍御。坐長歎以撫膺。蜀道難。雞聚族以爭食。鳳孤飛而無隣。鳴臯歌。璣草隱於深谷。層丘藪以蒼榛。古風。驛鶻拳跼而不得食。蹇驥得志以鳴春。答友人。蝘蜓嘲龍。魚目混珍。嫫母衣錦。西施負薪。鳴臯歌。世道有此翻覆。感秋。誰察余之堅真。雪讒。塊獨處此幽默。鳴臯歌。乃龜息而蛇蟠。孟少府書。不曠蕩以縱適。何拘攣以守常。大鵬賦。將倚劒乎天外。欲挂弓於扶桑。孟

少府書。以倥偬而為巢。以虛無而為場。大鵬賦。運以大風之舉。假以摩天之翔。楊右相書。前期浩乎漫漫。敬亭山。浮四海而橫八荒。孟少府書。赤王鳥以東上。煙蒼蒼其達山。古風。逢羽人於天門。方瞳好其容。頬遺我書以鳥跡。讀不間而三嘆。遊太山。偶然值乎青童。綠髮雙雙。其雲鬟笑。我學仙之晚。嗟跎凋乎朱顏。遊太山。玉女飄飄而下。遺我以流霞之杯。稽首拜而自媿。棄世何其悠哉。遊太山。隨風恣其飄揚。古風。不知東走之迷。贈金卿。忽撫已而自笑。古風。問南登之路岐。瀟陵行。採婉女於江華。收河車於清溪。送權十一。卧香爐以食霞。書懷。窺石鏡而心清。遙見僊人於綠雲。把芙蓉於玉京。期汗漫於九埃。接盧敖於太清。盧山謠。乘興任夫所適。叙舊。鳴騶忽其西馳。送劉副使裁苦木於西海。上雲樂。採瓊蘂乎崑山。古風。揖叔卿於雲臺。恍恍凌乎紫冥。古風。飲玉漿於丹丘。備酒掃以明星。西岳雲臺歌。赤松借予以白鹿。挾兩龍以相從。古風。傳秘訣於韓衆。精誠與夫天通。登天柱石。西上既窮其登攀。登太白峯。雲飄然而無心。酬王司馬。入極可以神遊。賦大鵬於北溟。激三千以崛起。向九萬而迅征。大鵬賦。訪廣成於至道。芳。問大塊之幽居。掇玄珠於赤水。天下不知其所如。大獵凌雲霄以直

上兮。南軒松。入無窮而遺形。登天柱石。騎日月以羽化兮。翼鴛鸞而雲行。
敬亭山。出宇宙之寥廓兮。蓋少府。輶闌闔之崢嶸。大鵬賦。載長雲之河車。
兮。飛龍引。十二樓與五城。書懷。登真朝於玉皇兮。贈從弟。賜瓊漿以玉杯。
古風。聽天語之察察兮。明堂賦。廊如雲而天開。葉和尚讚。天地同乎枯槁。
兮。宋少府。生世如乎轉蓬。効古。君化為猿鶴兮。小人或為沙蟲。古風。營營
為何所求兮。古風。雞鳴超乎四關。古風。十步而九太行。尾屋山。世路多乎
險艱。古風。傳其語以銘骨兮。古風。永願辭於人間。望廬山。忽覩博以魄運
乎。遊天姥。即歸路而長歎。獻當塗宰。轉天車於六龍兮。贈裴十七。雲駢下
而飄翩。春日行。風為馬兮霓為裳。遊天姥。靡星旗兮大獵賦。迴鸞車。遊天
姥。燭龍街光以照物兮。列闕揮鞭而啓途。歛翳景以橫翥兮。逆高天以下
垂。大鵬賦。望四海兮何漫漫。古風。長相思兮在長安。長相思。復長劍而歸
來兮。寄丹丘子。謁九重之天門。贈從弟。白日照吾之精誠兮。渠甫吟效割
膽而輸肝。行路難。吐崢嶸之高論兮。聞浩蕩之奇言。大鵬賦。所謂岱馬不
思乎越兮。越禽不戀乎燕。古風。流波思其舊浦兮。落葉墜於本根者也。謝
赴行在表。文苑英華。李華送薛九遠遊序。士之舒羽毛。宣聲調。不在高
位。在有道。目王允。玄晏發左思。名盛當時。價壓百代。薛都鄉。以夷澹養素。

以文章導志。自浙右游湖左。一句一韻。遍於衣冠。江山為之鮮潤。烟景以
之明滅。其餘性情所得。蓋古之人歟。南陽有畧。兼有道之高。玄晏之道。論
其措意。則王允左思。豈其遠乎。惠然訪余。告以行邁。將棹溪吳。越濡札江
嶠。東南勝事。落爾胷中。况為諸侯上賓。知大夫之官族。古所貴。勉之哉。病
瘦李遐叔贈。翟忠惠先生集。東坡遠遊并序。龍眠居士。畫東坡先生。黃冠
野服。據磯石。橫策而坐。予由聞而贊之。始公在北門。某為童子。欲見公而
公出定武。復旋謫儋耳。竟不及見。公之南也。其門人皆在。坐慚然流涕。某笑
之。以謂儋島居絕。正如龍眠所見。置公於水間一石耳。安知造物者不故使
之遺世絕俗。以全其天乎。仲尼乘桴浮于海。又欲居九夷。彼遭世不用。顧
有不能忍以去父母之國。而終其身無意於斯世也。况公以君命獨安適
而非此者歟。必將俯萬物而磅礴一世。尻輿神馬。挾宇宙而隨其所如。往
世之人。自以為愛者之悲。而惡者之善。果何足以病公哉。然士無賢不肖。
皆曰東坡之門人。唯某未之識。傷後生。不復見其餘風遺烈。與之並世。猶
若此。况讀其書。追其人。於千載之上。嗚呼。天孰能使余不遇哉。雖然得其
像而朝夕見之。亦足以為之師矣。始之贊。而予由已盡其略。復為東坡遠
遊賦云。吁嗟先生逝將去此兮。四方慨其何從。超虛無以上徑兮。襲一

氣之鴻濛。乘飛霆而跨箕尾。與汗漫而相期。紛屬車之驂乘。駕六龍而逶迤。酌匏尊以自觴。盪天漢之流源。挾須彌而納芥子。恒遊戲於其間。形骸付於電泡。變詭幻之奇服。亂焦螟於蚊睫。騁螭角之蠻觸。何鄉其無上下。乘雲輿與寶璐。儼黃冠而葛巾。狹一世邈無人。忽何所見。宛在水之中。城乘雲輿與寶璐。儼黃冠而葛巾。狹一世邈無人。忽何所見。宛在水之中。城窺游鱣之闊萍。送飛鴻之西矯。湛揚其獨存。鬱山林之深渺。馳余神於霄夢。徑從公而往遊。搏扶搖之九萬。歷九疑而望崇丘。俯黃州之舊邦。雪堂岌乎臨臯。望東坡之美人。枕灘流而漱松醪。哀余癯以好脩。苟使哺啜其醜糟。覺遽然涕垂膺。像漠乎其無言。有無變化。吾誰執弓。弄其乘風雲而上天。誦斯文以卒歲。猶足以續遠遊而賦超然者也。劉將孫養吾集送彭希呂遠遊序。古之人。蓋未有安居而為士者也。豈惟歷聘之世為然。後之言士者。類不講於古今之故。第以結軒馳騁者為游士。而游樂若士所諱。不知古之所謂士者。往往皆爾。鄉舉里選一定。其為士未有不升之朝者。交於天下士者也。惟科舉行士。始有不出鄉者。然亦惟東南百餘年。偏安土著使然。當其盛時。如歐陽公。二蘇公。皆驅馳跋履。執質四方。八至于京都。各取開封解送。皆非舉於廬陵。舉於眉山也。

歐公遇蕭公於翰林。二蘇遇張安道於成都。皆道遇知己。相因依為千載黨。數公者以其才低徊於岷峨之下。江湖之間。未必聲光。一日隱然動四海。如後來所觀也。人才與世道交為用。彼一時也。此一時也。識時務者謂俊傑。而豈抱膝山林。徒仰屋浩歎。以為曷不如古之人。古之人哉。此予於彭君希呂之遠遊也。慨然言之。於是希呂行且止者。妻矣。希呂為吾先君子須溪先生之門人。蓋稱其才。望其達。十年前為敘送之舉。金臺郭生意當乘風破浪。何所不極。顧猶在此耶。鵬之運於天池也。培風者六月息。莊周者寧惟寓言。且實以百里之宿。春三月之聚糧。毛耶。翮耶。胡不我施。此草廬梁甫之詠。與中夜曼曼之歌。其恨惋一也。易曰。係小子。失丈夫。孰使希呂之才。而歲月如流。未遇知已者。非係之者累之哉。前史有言。北方高涼。西方強仕。南方卑濕。三十以待。便為已衰。此真愛惜人物之言也。朝氣幾何。相看遽晚。所為區區。舉此。蓋欲希呂之勇於行。而有志於用人者。亦為斯言而動心也。國朝何顥庵集送詹玉峯遠遊序。孟子有言。術不可以不慎。夫儒者之道。固止於仁義。至於曲藝之小。亦必求其近於仁義者。而事焉。庶幾不失其本心。而後可耳。吾邑士玉峯詹君。儒者之裔。世篤於仁義者也。君讀書力學。不求用於世。乃游於藝以養其心。猶庶幾有以

濟世焉。故蚤歲究岐黃之術。尤精於鍼砭創殺。以已人之疾。又讀郭璞書。

善相山水氣脉之會。以治塗卜宅。為人致昌盛蕃衍之效。之二者。一以衛

生。一以藏往。皆近於仁義。擇術所宜先者。君特篤志於是焉。君居邑固齒

於耆碩大夫之賢者。每訪以治道。從容開說。益於民者多矣。猶以不能博其施。方將挾其藝以遊於外。蓋惟恐其德之不廣被於人。而非有一毫利欲之心者也。宜乎知之者益衆。信之者益篤。非特爭迎取養。而僕君之至。有若望於父母之慈者矣。比年以來。以斯藝衣食於四方者至衆。然皆駕奇說以眩衆目。往往言與行違。術與義乖。求若君之厚善專懲者。蓋鮮。况君之言嘗曰。他入之身。猶吾身也。而豈可不慎以墮其壽命乎。他人祖宗。猶吾祖宗也。而其可不慎以廢其宗祀乎。是則君之心術。猶有在於學術之外者。觀者又烏可以為曲藝之小。而忽之哉。必要為仁義之歸。是君之志也。予懼知君心者未悉。故序以贈焉。**龔敷鵝湖集**朱空谷遠遊序。有為老氏之言者曰。空谷由浙右來謁余於學宮。未幾度閩關遊武夷。訪幔亭。宴曾孫之所。遂回玉溪。將之龍虎。觀鬼谷。僊嵒之秘恠。又將濯足臨汝。浮游盱江。陟華蓋而揖麻姑。於風雨烟霞之外。又將躡鳥閣。皂振衣洪都。以謁許葛於白雲之鄉。是行也。豈不瀟洒出塵。隨緣放曠。又何必曰。求

師訪友。學道尋真耶。然斯道也。在吾儒則曰。道不遠人。人之為道而遠人。不可以為道。在老氏則曰。道不遠在身中。在佛氏則曰。汝若回光返照。密意却在汝邊。此無他。反求諸己而已。莊周嘗有言。逃空谷者。聞人足音。跫然而喜矣。今子汲汲之不暇。豈以足音之未聞耶。不然何其好遊囂囂若此也。方今隆景晝赫。汗流沾衣。余每思得一丘一壑之地。坐茂樹。濯清泉。琴鼓南風。巾掛石壁。係職于官。願莫之遂。視吾子逍遙相羊。惟意所適。方企慕之不暇焉。若曰。朝南嶽。暮蒼梧。則又方伎之流。未足與議於道也。於其行書以贈之。空谷姓朱氏。名全虛。空谷其號也。**胡樗隱集**送黃立誠遠遊序。儒生黃立誠。踵門而請曰。總角讀禮。知桑弧蓬矢。所以表男子之所有。事竊識之心不忘。今年踰弱冠。而浮湛里巷。無以自見。欲及親之康寧。遨遊四方。以遂其初志。吾親既許之矣。先生幸賜之言。以華其行。因語之曰。士之志遠。遊者非騁吾所欲。驚紛華慕聲利。將廣其見聞。進德脩業。歸為親榮也。為親者。孰不望其子之遊。卓然有立于世哉。所謂詹在側。而無離憂。親之志不樂也。詹出遊。而有離憂。親之志樂也。為人子者。以父母之心為心。必知所以顯親。所以立身矣。今子以英妙之年。抱有為之志。其進遊也。觀夫名山大川之高深。古今人物之高下。寓之於目。求之于心。其進

何可量哉。過豫章而懷孺子之高風。望廬阜而企匡君之遺躅。航岷流之浩渺。觀萬水之朝宗。維揚而看瓊花。上蔡而採蓍草。神州亦縣之壯。黃河大華之雄。車書之廣。人物之懿。皆可悅乎心目。而廓見聞也。高歌慷慨。抒其懷古之思。司馬子長之遊。不啻過也。抑嘗聞孟氏之言。而繹之曰。尊德樂義游之本也。兼善獨善。游有遇否。而道不易也。徵諸斯言。先立乎其大者遠者。則吾子之遊無施而不可。奚患乎錦衣歸覲。疊拜高堂。當舉觴賀。曰。予非復吳蒙足以悅親矣。立誠曰。謹受教。遂書以遺之。吳澂支言集送樂歲遠遊序。吾鄉侍郎樂公寰宇記一書行天下。然不深考。亦未有知其書之精者。侍郎生於唐之後。顯於宋之初。在撫州登科記中。襯然為首。諸子諸孫。科名相繼。施及宋末。貢舉者猶不絕。一姓文儒之盛。其吾鄉之表表者與。歲字幼誠。亦其苗裔也。好吟詠。多伎能。往年事今翰林學士程公於閩中。公甚器重之。將繇江東淮東山東河北以游于四方。男子之志也。經所歷山川風土。了了在目。有以徵先世之書。真可無忝於其祖矣。匪特予嘉之也。出門同人嘉之。嘉之又嘉之者。奚翅十百千萬。其人哉。劉仁本亦玄集題馬易之遠遊卷跋。南陽馬君易之。以至正六年游京師。朋友不忍其離別。作為歌詩。贈言以張之。至有托物寓意成圖畫。聯篇巨軸。

寘諸行李間。自浙江而泝淮經雒。訪古河朔。感慨中原之墟。盤桓兩京之地。極遊覽以快於心目。有所得。輒形賦詠。且獲當世名公品題珠玉。襲什以歸。則江淮之難作矣。余觀卷中。姓名多聲聞相接。其間有拜顯官位台鼎者。有沉鬱下僚者。有得休致者。有物故者。有遁依嵒谷者。有尚羈旅者。有忠義死節凜乎若生者。有陷身逆虜終不免者。何十數年之間。榮悴得失。有若是之不齊邪。第其文章翰墨。則皆為時所重。春蘭秋芷。各具芳馨。炳然可掬。此余所以諦觀而一喜一悲也。因為賦雜詩一十五首。各附題下。并卷歸之。異時當為馬氏青囊矣。天台劉仁本識。樂府詩集曹植遠遊篇。楚辭遠遊章句曰。悲時俗之追阨。願輕舉而遠遊。質菲薄而無因。乎焉託乘而上浮。王逸云。遠遊者屈原之所作也。屈原履方直之行。不容於世。困於讒佞。無所告訴。乃思與仙人俱遊戲。周歷天地。無所不至焉。周王寘又有輕舉篇。亦出於此。遠遊臨四海。俯仰觀洪波。大魚若曲陵。承浪相經過。靈鼈戴方丈。神岳儼嵯峨。仙人翔其隅。王女戲其阿。瓊藥可療飢。仰漱吸朝霞。崑崙本吾宅。中州非我家。將歸謁東父。一舉超流沙。鼓翼舞時風。長嘯激清歌。金石固易弊。日月同光華。齊年與天地。萬乘安足多。宋朱晦庵集遠遊篇。舉坐且停酒。聽我歌遠遊。遠遊何所至。咫尺視九州。

九州何茫茫。環海以為疆。上有孤鳳翔。下有神駒驤。孰能不憚遠。為我游其方。為子奉尊酒。擊鉸歌慨慷。送子臨大路。寒日為無光。悲風來遠壑。執手空徊徨。問子何所之。行矣戒闢梁。世路百險艱。出門始憂傷。東征憂暘谷。西遊畏羊腸。南轍犯虧毒。北駕風裂裳。願子馳堅車。蹠險摧其剛。峩峩既不支。瑣瑣誰能當。朝登南極道。莫宿臨太行。睥睨即萬里。超忽凌八荒。無為斃璧者。終日守空堂。范叔中大雅集遠遊篇。仙人手把金芙蓉。邀我上陟蓮花峯。兩眼注入滄溟東。浮雲遮斷扶桑宮。白日西飛恐成晚。架天五色橫長虹。鳳凰儀羽備珍彩。欲集不集無梧桐。冥冥杳杳脫羅網。亦有數點南飛鴻。怒鯨雀嵬鼓鱗鬚。浪中瑣屑多砂蟲。從今喚起人中龍。披虎豹。謁九重。舞干羽。息武功。泰和世上皆春風。是時勑名留鼎鍾。左招黃綺。右赤松。長歌歸去采山中。長歌歸去采山中。馬碧梧玩芳集。讀遠遊篇。愁來高誦遠遊篇。度世長生豈可傳。物變無窮身老矣。一雞八穀又新年。曹勣松隱集遠遊篇。少年重意氣。辭家遠行遊。高談儻卿相。峻節凌九秋。仗劍謁明主。挾策干諸侯。衆目寶康瓠。明月難暗投。驛鰥困短步。飜為駕馬羞。虛名不足慕。抗迹追浮丘。至言發深省。遐覽隘九州。書功佐天政。美惡無不籌。麾幢周四表。騎衛羅天驕。簫鼓鳴清歌。解駕滄浪洲。金石

易消朽。生死真蜉蝣。

國朝劉基覆龍集遠遊篇

三山六鼈背。

翠水扶桑東。

雞鳴上海日。海面玻瓈紅。仙人騎鸞鳳。呼我遊雲中。雲中有金闕。謂

是天帝宮。明星列兩藩。琪樹光玲瓏。太一生端門。白髮映青瞳。授我玉篆文。赤蛇蟠九虹。出入元化先。壽命齊老童。因逢青鳥使。遂造東王公。素女

如蓮華。歌喉絃管同。顧盼動環佩。振迅若輕鴻。化為五色光。倏然隨長風。

唐韓昌黎詩遠遊聯句。其曰遠遊。送東野之江南也。聯句凡四十韻。東野

二十。公十九。李晉之一。皆之之詩。見於世者此而已。大率詩非其所長也。

習之李翹也。別腸車輪轉。一日一萬周。郊離思春水泮。瀰漫不可收。愈馳

光忽以迫。飛轡誰能留。郊取之詎灼灼。此去信悠悠。翹取或作前。楚客宿江上。夜裏棲浪頭。捷或作捷。曉日生遠岸。水芳綴孤舟。村飲泊好木。飲或

作館。方云東野幽居詩。有嘉禾偶坐酌芳陰底清潭。館字非也。野蔬拾新桑。獨含悽悽別。中結鬢鬢愁。人憶舊行樂。鳥吟新得雋。郊憶舊。方作憶憶。

新。方作忻。皆非是。靈瑟時宵宵。露猿上於金切。零雲覆日也。露猿謂猿在雲間也。夜啾啾。憤濤氣尚盛。恨竹淚空幽。長懷絕無已。多感良自尤。即路

涉獻歲。歸期眇涼秋。兩歡日牢落。孤悲坐綢繆。愈觀恠忽蕩漾。叩寄獨冥搜。海鯨吞明月。裴氏廣州記。鯨鯢日朗明月珠。浪鳥沒天涯。音甌浮涯或

作浮。我有一寸鉤。欲釣千丈流。良知忽然遠。壯志鬱無抽。郊羈魅暫出沒。
魅或作颶。蛟螭互蟠繆。力幽切。幽蟬龍兒。昌言拜舜禹。舉飄音儿。船中慢。
或作帆。凌斗牛。吳楚分野在江南。懷糈下音所。離騷。坐咸將夕降芳。懷椒
糈而要之。糈精米。所以饗神。屈原五月五日自投汨羅而死。楚人哀之。每
至此日。以竹筒貯米投水祭之。方云。語見離騷。祭神米也。蜀作精非是。餽
賢屈。乘桴追聖丘。飄然天外步。豈肯區中囚。愈肯或作有。楚些蘇个切。楚
語助辭。待誰弔。賈辭鹹恨投。翳明孫曰。謂掩翳其明也。弗可曉。弗或作不。
祕冤安所求。氣毒放逐域。蓼荼蓼芳菲。花間兒。疇田疇。雜芳菲疇。當春忽
淒涼。不枯亦颼颼。貉謠衆猥歎。貉或作貊。歎或作諱。方从杭。蜀本云。歎音
烏來切。楚辭九章。歎秋冬之緒風。又揚子始皇方獵方國。而翦牙歎。王逸
曰。歎歎也。方言曰。歎然也。南楚凡言然。曰歎。元次山有歎乃曲。亦音靄。
今按方說是也。歎說文亞改切。久烏來切。唐也。史記項羽紀作唉。亦音烏。
來反。說文同。黃魯直讀歎乃為禊靄誤矣。今或寫作歎字亦誤。乃知當音禊
也。巴語相咿嚙。與憂同。方云。字書無幽字。公寄王學士用咿嚙字。征蜀聯
句。用咿嚙字。考之字書。咿嚙為正。默誓去外俗。嘉願還中州。江生孫曰。
水微漲也。行既樂。躬輦自相勸。音留。孫也。并力也。躬輦自推車。樊曰。言水

行可樂。則躬輦為勞矣。飲醇趣明代。味腥孫曰。醇謂醇德。以酒為喻。故云
飲醇。明代盛世也。腥楚越之食也。謝荒聞。郊隣隅也。馳深鼓利穢。趨險驚
蜚輶。蜚或作飛。繫石沉斬尚。安楚辭。上官大夫斬尚。楚之讒臣。譖屈原於
懷王者。開弓射鵩。啖。孫曰。史記。鵩啖。即驩兜。字古文。尚書亦以驩兜為鵩
啖。先放之於崇山。靳尚鵩啖。皆在南方。恐其為鬼為祟。故欲沉射之也。路
暗執屏翳。上步丁切。樊曰。司馬長卿大人賦。時若曠將泥濁兮。召屏翳戮
之。伯刑。雨師。將雨路暗。故欲執屏翳戮之。應邵曰。天神使也。波驚戮陽侯
之諸侯。有罪自投江。其神為大波。廣泛信縹眇。高行恣浮游。外患蕭蕭去。
中悒稍稍瘳。振衣造雲闕。跪坐陳清猷。得風變讒巧。仁氣銷戈矛。人或作
和。方云。神氣見禮記。名聲照四海。淑問無旨休。肯或作肯。方云。肯古時字。
作肯誤也。歸哉孟夫子。歸去無夷猶。愈晉右思吳都賦。輕禽狡獸。周章夷
猶。夷猶猶豫也。楚辭君不行兮夷猶。歸去方作君歸。或作歸興。元國朝文
類袁袁遠遊聯句。壬寅冬。與伯長同留姑蘇。時伯長將赴都。海鵬跨南雲。
一去扶浩蕩。宛駒踏北雪。絕足追罔象。浦宵征車載脂。明發燈在幌。行邁

響觴至不復辭。桷駕逸誰能彷。明堂企棟梁。武庫須篠蕩。材同瑚璉英。哀學媿蓬麻。長大施朱弦。清小薦金莖。沉雲間鶴孤唳。桷天外鴻橫上。曉舲斫輕冰。午店憩平壤。追攀瞰烟濤。哀沙歷走塵鞅。清淮橋端竦。薄霧表驥駛。風臺牛一鳴。桷日觀雞三唱。團桑沃如蓋。宿草亂如繖。青帘客沽酒。哀素鬢漁收網。心觀洙泗流。眼豁恒岱爽。追程騎侵雲。桷勸耕農植杖。俗厚喜豐登。氣俠存慨慷。伊河既東流。哀維斗復北仰。誰云風土殊。始覺宇宙廣。骨脊終超騰。神清誰憮恍。釣天夢豈真。桷廣寒步空想。銖衣入闇闔。芥粒視北塊。千官紫府榮。九奏彤庭暢。摛文剪金炬。哀展宋簇天仗。清都踰咫尺。弱水謾方丈。絳旗雲霧開。寶扇日月晃。仁聲被八表。桷德意昭羣枉。泥檢極封崇。芬懿嚴榜蟹。瑞氣藹重重。泰階瞻兩兩。馳峯出天厨。哀襄號鏘錫中帑。嗚珂接俊彥。正笏遠偏黨。德人笑采芝。逋客棄拾橡。茅拔要有方。桷矢來本無嚮。湘纍但環詞。越相僅金像。遭讒氣徒憤。得計身何往。豈如及承平。相與窮昭朗。君行出飄飄。我滯心悒快。輕霜著裘帽。哀微雪留草莽。離歌出蒹葭。古製却金盞。先登匪一獲。後主激孤獎。城南燈火深。桷塞北音書晦。春風漸披拂。臘水將滉漾。詩成愈加險。酒盡未為強。雙眸秋水炯。哀累語春波盪。經行度崎危。交友希倜儻。霸遊棄楚荒。遠客憐齊愴。光

陰尺璧重。桷事業千金賞。行還鴈塔題。復覩鴻都榜。時來戒步窘。事至勿技癢。脂韋本凡近。哀鐵石乃忠讜。詞林納疵美。書田計荒穰。列仙會儒癯。羣英極吏駕。陸生強咿噭。陶令終骯髒。清心百壬避。正色上帝饗。徒為捧心施。莫學畫眉敵。功名要無心。造物端有相。行行遂初志。操持記疇曩。桷

杜工部詩遠遊。江濶浮高棟。雲長出斷山。塵沙連越雋。風雨暗荆蠻。鴈矯衝蘆內。猿啼失木間。弊裘蘇季子。歷國未知還。夢符曰。唐志。越雋。劍南道也。宋曰。國策。蘇秦字季子。說秦王不行。黑貂之裘弊。

賤子何人記。迷方著處家。竹風連野色。江沫擁春沙。種藥扶衰病。吟詩解嘆嗟。似聞胡騎走。失喜聞京華。**鄭谷詩遠遊。**江湖猶足事。食宿戍鼙喧。久客秋風起。孤舟夜浪翻。鄉音離楚岸。廟兒入湘源。岸闊鳬鷺小。林垂橘柚繁。津官來有意。漁者笑無言。早晚酬僧約。中條有藥園。**孟郊詩遠遊。**慈烏不遠飛。孝子念先歸。而我獨何事。四時心有違。江海戀空積。波濤信來稀。長為路傍食。着盡家中衣。別一作烈劍不割物。離人難作威。遠行少童僕。驅使無是非。為性玩好盡。積惡心緒微。始知時節駁。愛一作戾日非長輝。**唐厲震詩送濟翁邵明府遠遊。**楊柳起秋色。西風已度關。碧溪飛白鳥。紅樹帶青山。此會偏相語。孤遊且未還。所思江海上。宛在市朝間。**宋周邦美成清真**

集遠遊

淮西渡兩漿。江左隨一鷗。苦嗟波濤窄。所至膠吾舟。借問舟中人。流轉何時休。帆高風色利。欲止不自由。傳聞弱水外。鼎立三神丘。鼓枻

未可到。載行有潛蚪。扶桑覩浴日。陽精熱東流。萬族呈秘怪。九土皆飄浮。送者安在哉。吾往不可求。豈比鷗夷子。並湖名遠遊。胡銓澹庵集遠遊

萍跡長泡轉。天涯到處家。芳菲雲過雨。聚散手搏沙。且喚陳驚坐。共尋留子嗟。酒狂從曠蕩。漢吏要無華。僧文珣詩遠遊。林憇無完室。舟行避惡灘。異鄉為客久。淳俗定交難。草引春愁長。霜侵曉夢殘。忽聞城角動。歸思若為安。韓元吉南澗集遠遊十首。我行蓬萊巔。俛首見月窟。誰言滄海深。涉之不濡轍。頽波驚魚龍。起舞相蕩盪。衆真為一笑。黃霧生絳闕。獨乘風中天。蹙踏波上月。東隅有神人。披髮兩目丹。手擎扶桑枝。騰光射乾坤。朱鳥為前驅。火龍駕後軒。祝融不敢瞬。衛以干炎官。誓當掃霜霰。九窩常不寒。靄出九地底。化為萬鼓鼙。豕首炳石斧。割然四海馳。夔驅與罔象。捐扶靡有遺。無私乃帝令。風雨多隨之。苟能仆夷伯。何忍兒女為。紫皇宴瓊臺。鳳舞鸞且歌。翠鬟兩仙女。倚歌奏雲和。秀色炳雙璧。晴雲灑秋波。曲終顧我笑。柰此人間何。贈以白玉環。綢繆期匪他。大鈞轉一氣。急轂無停轍。是非與生死。膠擾於其間。朝昏互變滅。倏已千萬年。豈知達道

人。直作須臾觀。天地本無物。置之奚足言。海水赴大壑。雷奔墮空虛。火輪煽金剛。蕩然為尾閭。一闔復一闢。乾坤猶戶樞。萬生保靈根。至神守虛無。嘗以物所歸。返觀天地初。崑崙九萬里。磅礴天地根。其下有玄圃。茲惟衆仙門。翩然兩白鶴。道我前飛颺。問津牽牛星。濯足洪河源。九關辛方闢。乘之遊紫垣。巨軸載厚地。沉沉惟九幽。日月所不燭。鬼神或拘囚。負臣與支祇。亦為舜禹憂。覩彼世上兒。對面無姦偷。國章幸可脫。天刑此焉投。生死一大夢。夢覺誰當分。夢中既不了。雖覺何足云。天光發吾宇。澹然無朝曛。至樂不外假。至貴斯無文。求仙與學佛。舉世徒紛紛。呼吸為陰陽。動靜乃天地。猶然一身間。至理無弗備。蒼龍駕白虎。晝夜分六氣。坎離會精神。否泰本仁義。吾師不吾欺。持以御一世。文天祥集遠遊。黃河流活活。太行高巍巍。十二山以東。百二山以西。鄒魯盛文獻。燕趙多雄姿。右摩泰山牒。左躡函谷泥。鄭鄤弔周公。曲阜拜宣尼。或登廣武嘆。或上壯印噫。平生幾兩屐。汗漫以為期。結交天下士。要為男子奇。吳會偏王業。中原隔遺黎。安得與黃鸝。比翼天上飛。江河異風景。擊楫感且歎。陽運邁百六。

興否俄推移。桑田變滄海。楚囚發新悲。我本檻車客。為我解紮維。青蠅附天驥。萬里相追隨。人生尚行樂。矧復新相知。周道思下泉。王風懷黍離。富

貴豈不願。憂患那能持。人命危且淺。忽若朝露晞。長恐折我軸。中道歛差池。去我父母邦。我行且遲遲。聽我遠遊曲。寄我長相思。漫游集遠遊。遠遊元不為肥輕。隨化乘流任此生。萬事悠悠何係我。白雲一望寂關情。不因身外苦多求。且向樽前賦遠遊。明月未應殊俗異。寒蛩更比故鄉愁。關心老幼孤燈夜。入夢功名兩鬢秋。何處溪山堪着我。新詩一首勝封侯。江湖續集陳必復詩遠遊。關山勞眺望。宇宙憶經行。地隔南溟斷。天低止斗橫。高蹕聞遠柝。孤枕歷寒更。隻影惟堪弔。殊鄉鮮弟兄。羅椅詩遠遊。因夢吳雲賦遠遊。江花扶柁水悠悠。半輪月散千山影。一葉舟勝萬斛愁。天氣漸於寒食近。春風只到牡丹休。水程孤冷難為夜。起吸滄江當拍浮。陸游渭南集遠遊。遠遊行復歲華新。嬾學劉郎問大鈞。一點不蒙稽古力。十分合作卧雲身。苦寒與酒頓增價。小雨為梅先辟塵。擬佩一壺江路去。花邊醉墮白綸巾。少年遊宦日。骭體恥沉浮。見虎猶攘臂。逢狐肯叩頭。力行雖自許。早退豈人謀。予年六十餘即退閒故山。小艇烟波上。飄然得遠遊。姓字不須通。從來號放翁。月明登署雪。木落過秋風。成都武擔山。暑雪堂。歸州巴東縣。江上秋風亭。皆絕景。處處題僧壁。時時卧釣蓬。始知侯萬里。未必是英雄。壯年不作故山歸。老去方知浪走非。掛日

片帆吳赤壁。嘶風足馬蜀青衣。交游雖廣知心少。香火徒勤愿力微。堪笑只今成底事。青燈無恙且相依。老子平生喜遠遊。流塵不惜闔貂裘。江亭吹笛三巴夜。關路騎驢二華秋。但使澄心同止水。自知幻境等浮沤。悠然飽聽松風睡。句漏丹砂底用求。蚤歲志遠遊。萬里攜孤劍。所至必吊古。如疾得鍼砭。荒寒過吳宮。摧剥觀禹窪。及仕楊潤間。掛席度天塹。梁宋不可遊。北望每懷歎。會有蜀漢役。奇嶮日窺覘。築壇訪遺址。燒棧想烈焰。轅門俯清渭。徹底綠可深。舊史所登載。一一嘗考驗。胡羊美無敵。黍酒實醇釀。枕戈南山下。馳獵久不厭。比參劍南幕。壯志就收歛。卜隣揚雄宅。遂欲老鉛槧。但愛古柏青。肯顧海棠豔。人生不易料。白首東歸劍。稽山秋義峩。鏡水春漱漱。餘俸買扁舟。月下采菱芡。湖山最奇處。容我釣石占。婚嫁幸已畢。百事不關念。但當勤醉歌。一死不汝欠。思遠遊。我志日已衰。詩亦無傑句。正如垂翅鶴。悵望遼海路。雖云須藥物。幸未迫霜露。裂裳襄雨踵。此計亦已屢。嗟峩青城雲。慘澹蟠冢樹。秋風吹短裘。萬里入芒屨。病退頗思遠遊。信筆有作。平日身如不繫舟。曾從楚尾客秦頭。風生江浦千帆曉。月落山城一笛秋。萬事只能催白鬚。百年終是卧荒丘。扶衰強項君休笑。尚憶人間汗漫遊。反遠遊。賣却貂裘買釣舟。久將身世付

悠悠行歌西郭紅橋路。爛醉東關白塔秋。夜泊驛亭觀月上。曉登僧閣聽猿愁。一生身屬官倉米。刺喜殘年得自由。**牟獻陵**_陽集無黨為東岡賦遠游。余病卧空山。聞而壯之。和韻為別。鬢絲梅雪兩鬟鬟。底事征車又指南。自是曾游胥蛇龜。不妨小住話魚鱗。揜袂中歲情良苦。秉未平生分所甘。若有書來訪生死。白雲多處是吾庵。元黃仲寶詩送余敏文挾術遠遊時與梅川丁九臯同過弊廬。梅川挾策往經年。傳得青囊内外篇。山識躡雲行處役窓收。學易讀殘編。飛高喜並遼東鶴。坐冷難留海北鶴。且向春風候歸旆。為君先付酒家錢。**范德機**詩遠遊。遠遊非吾志。偶墮天一角。去就亦有期。寧能計今昨。料理貧居士。守書負西郭。清心見古初。德宅甘寂寞。杜門坐春深。綠竹解寒籜。雖無清時賞。幽意各有託。千載非長生。松喬未足學。焉知勾漏令。不厭宦情薄。山中歸去來。朝霞可以酌。**陳子廉**詩遠遊。廓落江湖夢。飄零萬里身。風塵孤劍雪。宇宙一瓢春。天野飛黃鵠。烟濤逸紫鱗。長緘滄海月。寄與謫仙人。**舒岳祥**閨風集送陳用之遠遊。流水寫清音。青山發令姿。左右惟所取。囊篋恒相隨。君遊且有日。欲訪燕趙奇。此行猶在眼。已作久別思。君如生馬駒。騰踏不可羈。王良施轡勒。往獻白玉墀。胸中二三策。和扁為國鑒。南土方施用。砭鍼貴適宜。腰間黃金印。季子何必歸。丈夫輕四海。吾老不可期。何以爲君贈。梅花千里枝。何以爲我報。千首紀行詩。**虞集**道園學古錄送王公輔遠遊。君子之所居。雖歲月易遠。而餘風流韻。不自知其及人之不窮也。空山雷先生。隱于種湖之上。豪傑名勝。多從之遊。其光顯盛大者。固已著見于代。其高尚深遯者。則有不可得而知者矣。然種湖猶有先生遺書數百卷。與平生著述。皆無恙也。湖觀之師弟子。相傳而守之。其寥廓之趣。粵古之思。必有彷彿其精微者乎。至元二年丙子正月六日大雪。道無行人。羽士王公輔。自種湖來。袖詩一篇。爲贊。觀此風致。諒非俗塵所能。固有得於君子者乎。問其年纔三十。喜其盛年好讀書。苦吟。聞其將從吳越淮泗。而遂至乎京師也。故作詩以送之。春雪門前二尺深。子喬雙馬度幽岑。欲扶藜杖同清夜。靜看梅花對苦吟。江國鶯花時冉冉。京城烟雨晚駸駸。老來每憶登臨處。仗子芳年一一尋。**國朝張志道翠屏集**題人遠遊卷。爲君歌徹遠遊篇。八極秋高神凜然。禹穴出雲藜杖外。軒臺飛雪酒杯前。昔人不見牛馬走。世俗寧知龜鶴年。子去遙憐滄海上。春來夢遠紫芝田。宋姜白石道人詞。倚闌干。二三子總仙才爾。歌遠遊章句。雲氣入吾杯。不問王郎五馬頗憶謝生雙屐。處處長青苔。東望赤城近。吾興亦悠哉。王元粹祠遠遊。壯

印。季子何必歸。丈夫輕四海。吾老不可期。何以爲君贈。梅花千里枝。何以爲我報。千首紀行詩。**虞集**道園學古錄送王公輔遠遊。君子之所居。雖歲月易遠。而餘風流韻。不自知其及人之不窮也。空山雷先生。隱于種湖之上。豪傑名勝。多從之遊。其光顯盛大者。固已著見于代。其高尚深遯者。則有不可得而知者矣。然種湖猶有先生遺書數百卷。與平生著述。皆無恙也。湖觀之師弟子。相傳而守之。其寥廓之趣。粵古之思。必有彷彿其精微者乎。至元二年丙子正月六日大雪。道無行人。羽士王公輔。自種湖來。袖詩一篇。爲贊。觀此風致。諒非俗塵所能。固有得於君子者乎。問其年纔三十。喜其盛年好讀書。苦吟。聞其將從吳越淮泗。而遂至乎京師也。故作詩以送之。春雪門前二尺深。子喬雙馬度幽岑。欲扶藜杖同清夜。靜看梅花對苦吟。江國鶯花時冉冉。京城烟雨晚駸駸。老來每憶登臨處。仗子芳年一一尋。**國朝張志道翠屏集**題人遠遊卷。爲君歌徹遠遊篇。八極秋高神凜然。禹穴出雲藜杖外。軒臺飛雪酒杯前。昔人不見牛馬走。世俗寧知龜鶴年。子去遙憐滄海上。春來夢遠紫芝田。宋姜白石道人詞。倚闌干。二三子總仙才爾。歌遠遊章句。雲氣入吾杯。不問王郎五馬頗憶謝生雙屐。處處長青苔。東望赤城近。吾興亦悠哉。王元粹祠遠遊。壯

年抱窮節。拂衣行遠遊。遠遊欲何之。思欲歷九州。出門多岐路。竟日獨遲留。願言返舊居。量力固無憂。

楊弘道詞

三奠子遠遊。歎五材並用。水德靈長。初泛濫。漸汪洋。轉雷經灔澦。濺雪下瞿唐。纏出險。吞漢沔。略沅湘。發源渝道。東過維揚。由有本。自無疆。遠遊還故國。待渡立斜陽。山烟紫。津樹綠。客心傷。又遠遊。冠名兼明書。曹子建求通親表云。若得辭

遠遊。戴武弁。臣銳曰辭。辭國。遠遊謂出征也。明日遠遊。冠名也。

離內

遠遊

韓非子十過篇。昔者田成子遊於海而樂之。號令諸大夫曰。言歸者死。顏涿聚曰。君遊海而樂之。柰人有圖國者何。君雖樂之

將安得。田成子曰。寡人布令曰。言歸者死。今子犯寡人之令。援戈將擊之也。臣言為國非為身也。延頸而前曰。君擊之矣。君乃釋戈。趣駕而歸。至三日而聞國人有謀不內。田成子所以遂有齊國者。顏涿聚之力也。故曰離內遠遊。則危身之道也。

不遠遊

論語父母在不遠遊。遊遊必有方。

絕迹遠遊

文選北征賦。余遭世之顛覆。罹填塞之阨災。舊室滅以丘。曾不得乎少當。遂奮袂以北征。超絕迹而遠遊。

佚遊

性理字訓習於惰慢。惡聞善言。謂之佚遊。

論語樂驕

樂樂佚遊。樂宴樂損矣。

注。佚遊則情慢而惡聞善。

漫遊

宋洪龜文清非集漫

游二首。繚繞荒蹊密。技擇古屋橫。雲飛賓鴈急。水泛俗鳬輕。地迥無人跡。山空伐木聲。龐公禪窟內。拄杖日間行。

杜氏園。欲界浩無窮。天王部落雄。

誰知貝葉地。即是水精宮。烏塔秋聲裏。鸞岡晚照中。先賢多妙句。欄楯入西風。

北天王院。

近遊

晉東暫近遊賦。世有逸民在乎田疇。

宅彌五畝。志狹九州。安窮賦於下里。寘玄淡而無求。乘革輶之偃蹇。駕蘭單之疲牛。連捷索以為鞅。結斷梗而作鞅。攀草門而高蹈。竭徘徊而近遊。井則兩家共一。園必去舍百步。貰鷄穀於歲首。收緩繩於初牙。其男女服飾衣裳之製。名號詭異。隨迭而設。繫衣襦以御冬。負汗衫以當熱。帽引四角之縫裙。為素條之縠。書兒啼於客堂。設杜門以避吏。婦皆卿夫。子呼父字。及至三農閏隙。遘結婚姻。老公戴合歡之帽。少年著蔓角之中。

夢遊

列子黃帝晝寢。夢遊華胥氏之國。既覺。怡然自得。天下大治。如華胥氏之國。江湖紀聞。張宣。熙寧中。夢行入室中。聞天風海濤

聲。振林木。徐見海中樓閣金碧。瓊瑤琅珮者數百人。揖宣出紙。請賦詩。細視筆硯。皆碧玉色。且戒之曰。此間文章要似隱起鸞鳳。與織女機杼分巧。

過是乃人間語耳。宣成一絕云。天風吹散赤城霞。染出連雲萬樹花。誤入醉鄉迷去路。傍人應笑忘還家。有仙人曰。子詩絕佳。未免近凡。酌酒一杯極甘寒。忽覺身墮萬仞山而覺。列仙傳。梁諶字考成。一日相者見之曰。此子目流白光。貌集真氣。非常人也。後果樂仙道。嘗夢與仙人遊。或登名山。酌石髓。由是自有所悟。乃深入巖谷。目能視地中物。可能聽數里音。一旦忽謂門人曰。有朋待吾於南峯。今須往矣。乃冠服而出。則雲氣迷繞。不見其形。唯聞鼓吹。

音隱隱于空。

永樂大典卷之八千八百四十五



重錄總校官侍郎臣高拱

學士臣胡正蒙

分校官侍讀臣王希烈

書寫儒士臣宣鵠

圈點監生臣敖河

臣孫世良